


# KATACHIKIJILO KA PASEKA

 Punduvene lisesa lyakupwa hano chimene chino, ha likumbi lya lelo lya Full Gospel Business Men kapetulu hano ha Phoenix, kaha kutachikiza nge Mwata anguhanyine chihanda chachindende cha echi, kupwa chihanda cha kulikata. Ngwatondo kumeneka Ndumbu walunga Carl Williams na pwevo lyenyi, Ndumbu walunga Stromei, vosena hano hakamenga, Ndumbu walunga Shores, Ndumbu walunga Outlaw, vakakuzata, kaha enu vathu vamwaza.

<sup>2</sup> Munatachikiza, Ngwa—Ngwapwile na likumbi lyakusemuka mulungu unahichi, nawa. Kaha Nguli kaha chindende wamwaka kuhambakana kapetulu. Ngwafwelela ikiye ambile ngwenyi, “Faifi kaha . . . myaka yakusemuka, ha kapetulu.”

<sup>3</sup> Muthuumwe ambile ngwenyi, likumbi likwavo, ngwenyi, “Lwola muka ove, Ndumbu walunga Branham?”

<sup>4</sup> Ngwambile ngwami “Twende sikisi.” Kaha Ngwambile ngwami, “Ngwafumishileko peho yatete ya twende faifi. Kangwazachilile Ikiye chikuma muli vakiko.” Ngwambile ngwami, “Ngwafwelela Ikiye eji kulinganga, nawa.” Kumulingisa Ikiye kulinga nachiya nakupwa chakuhandunuka.

<sup>5</sup> Oloze echi chinapu chamwaza kupwa hano. Kaha jino etu twatondo kumbata lwola lwaluvulu. Mwomwo etu . . . Nguli—Nguli lwola lwosena nawoma, hanyima Nguli nakwivwa maunjiho amwe amwaza, na vyuma vili nakuya lika, nge Ngwa . . . kaha myaso, ize Nanguya nakulinga chumachimwe chize nachiya nakupihilila. Kaha Ngwatondele kuhakako, kachi kuli chumachimwe Ngunahase kuhakako. Ava vandumbu vamaapwevo . . .

<sup>6</sup> Uze ndumbu walunga uze embile mwaso chimene chino, uze ndumbu walunga wamulatu, Ngwasakwilila chize, *Lize Liso Hali Kapyasa*.

<sup>7</sup> Kaha ava vandumbu vamaapwevo vaze vembile mwaso, uze napunga umwe kukafwa chami kufuma haze Ngwapwile hano lwola lwatete. Ngukwechi chize. Ngukwechi chize kusoneka, kaha Ngunahema kaha, *Ngumatondo Kuchihanjika Echi Na Ikiye*. Kaha Ngwamuhulile Ndumbu walunga Dawson Riley kuze, sepa lyami, kachi ikiye mwahasa, vamwe vavo, kachi vakiko navamona vaze mapwevo vakalemesa, kachi vakiko hanga vali hano hamavu, nakwimba cheka chimene chino. Kaha Ngwafwelela Terry achikwechi. Kaha Ngwashingtonyeka ikiye alingile. Ngwatondo kumbata chize kuze, pamo, kusoneka mokomoko chumachimwe, mwomwo Ngwazanga uze mwaso. Kaha echi chinapu chami . . . kufwila chami chili kuhanjika

echi kuli Ikiye. Ngwashinganyeka etu vosena twatondo kulinga ngachize. Omu mukiko etu tuli hano chimene chino.

<sup>8</sup> Jino, kuliwana chili nakwiza, mulungu nawizaho. Echi chosena chakwoloka kusanyika? [Ndumbu walunga ngwenyi, “Punduvene.”—Muka.] Ngwa—Ngwatela kupwa kwimbo ou mulungu uli nakwiza, ku mbalaka, Chalumingo nachizaho, ha kutanga cha Paseka; Sateli naufuku, Chalumingo, na ufuku wa Chalumingo. Kaha jinonyi Nanguya ku California. Enu vathu vosena muli ku California, pwenu vakuwahilila kupwa nenu kukuliwana kuze. Kaha Ngwashinganyeka Billy natumu kuvilika chakuhenga. Echi chili. . . Ikiye ngwenyi, “Ha Biltmore Hotel,” Ngwafwelela, “echi chatela kupwa.” Echi chili. . . [Mthuumwe ngwenyi, “Kaweshi kuhasa kuchitambulako.”] Kahashile kuchivwushisako. Kaha echi chili ku Eastmont? [“Embassy.”] Embassy, Embassy Hotel. Shikaho kala muthu Full Gospel vathu kuze vanahase kwecha kutachikiza, kachi enu muli mujila kana.

<sup>9</sup> Kaha jino etu twejile nakukinduluka kufuma kuze, kaha Nanguya ku South Africa jino. Kakweji umwe kaha kufuma lelo, etu kutambuka nakuya ku South Africa, kuvandamina lwola lwalunene muli Mwata, pamo mafuchi atatu kuze. Shikaho etu—etu punduvene hana malombo ove. Kangweshi pamo kumona enu chekako, kachi Mwata netava hali etu kuya, palanga Nangukakinduluka. Kaha kutalilila Ngukwechi mijimbu yayinene hali enu omwo etu natukinduluka kunyima.

<sup>10</sup> Lwola lwamakumishilo kuze, Ngwashinganyeka nge Mwata anghanyine kuliwana chachinene Ngwapwile nacho. Kaha lwola lumwe, ha kusanyika cha kukamenga. . . Jino, echi chili kuweluka wa kuhona kulinunga. Nge omu Ngunatachikiza, kuze kwapwilenga seti sauzande kwitavila Kulishitu ha lwola lumwe. Kaha etu kushinganyeka pamo vakiko kulumbununa kuka chakumujimba, mwomwo kuze kunapunga pamo twende faifi sauzande kuhinduka lwola lumwe. Kaha likumbi lyashishileho, uze chingenge wa—wa Durban, uze apwile Sidney Smith, ambile ngwenyi, “Yako ku janena, tala kwiza nakushikumuka mujila.” Kaha kuze kwapwilenga jimotoka na jimotoka, jakuzala na mikombo yamwaka na vyuma, jakulilunjika; nge vakiko vapwile nakwiza kunyima, venyembo, uze apwilenga kujita na umwe namukwavo, kwiza nakushikumuka mujila ya mbongi, kwimba *Fwelela Kaha* mulilimi lyavo.

<sup>11</sup> Nangumilweka, muchima wami wajimbanganyine. Nge. . . Omwo enu namumona chumachimwe nge ngachize, Ndumbu walunga Shores, ove uli nakwivwa mulimo wove kaweshi mwamokomoko ko. Talenu, enu esekele. Kaha Ngwatalilila nge Kalunga mwaya cheka, keshi mwomwo—mwomwo etu tuli nakuya kuze, oloze mwomwo etu tuli nakutala ha Kwiza cha Mwata.

<sup>12</sup> Kaha nge omu mwaso ambile ngwenyi, etu tulinakutonda uze wamundende, mukoko wakujimbala, chize chili, chize... Ikiye—Ikiye keshi kuhasa kwiza palanga uze mukoko ali muli uze. Wosena atela kupwa muze mulimba. Ikiye keshi kusoka chize chikolo palanga uze wamakumishilo nengila. Shikaho, enu vandumbwami vakakuzata, Yami ngwakunyuka nayenu, chimene chino, kweseka kuhasana uze mukoko wamakumishilo. Echi chinahase kupwa mu Phoenix, chimene chino. Ngunahono kutachikiza. Oloze omwo umwe wamakumishilo ejile nakwingila, kahajino Kafunga mwaya nakusoka chikolo.

<sup>13</sup> [Ndumbu walunga umwe ngwenyi, “Ndumbu walunga Branham?”—Muka.] Eyo? [“Ngunahase Kuhanjika kaha lizu?”] Enu punduvene munahase. [“Ngwavulyamine chumachimwe. Etu tunapunga nakuhanjika hali...” Hatepu hapimbi.] Echi chinapu chakukupuka chosena chakwoloka. [“Kaha Ngunatachikiza, muthu wosena kuvulyama chumachimwe, kamwe na kamwe.”] Kangweshi ngochoko. [“Mamalelo!”]

<sup>14</sup> Yami uze umwe atela kusoneka chuma muka Nanguya nakuhanjika, hakamwihi. Yami...Kufuma haze Ngwa nakushinakajiwa, Ngwawane nge chachikalu kwanuka, kuhaka Visoneka vyami, na vyangocho. Chapwilenga nakupwa, Ngunahase kupwa mumukana pamo na Visoneka mu vishinganyeka vyami, kaha kuhona numba...kuya nakuhita hali echi, oloze Ngukwechi jimailosi jakufwakuluka munyima yaaze makumbi.

<sup>15</sup> Shikaho, etu tuli nakutala ha Kwiza cha Mwata. Mwata amikisule enu vosena!

<sup>16</sup> Kaha jino enu namwiza kuno, kaha enu munashinganyeka...Enu twamenu hamavu hano na kwivwa ava vathu kwambulula. Enu munashinganyeka, “Chamwaza, omwo Nanguya, Nanguya nakuhanjika chumachimwe hali echi.” Jino, kuli kuhanjika chikuma, enu namuya nakupwa likumbi lyosena nakuhanjika echi. Oloze, Kakavulu kukusakwilila enu vosena. Echa ou kapetulu wamundende kutwalilaho kukula. Echa kala liuka mu Phoenix kutwalilaho kukula palanga kwiza cha Yesu, chikiko kulomba chami chakushishika.

<sup>17</sup> Jino, Ngwashinganyeka, kunoka chindende, echa twimanenu shimbu etu natupwa nakulomba. Munahase?

<sup>18</sup> Kalunga Waundume, Tata Mwata wetu Yesu Kulishitu, Hiya amuputukile Ikiye kufuma mukufwa, kaha kuhana Ikiye kuli etu nge Mulambu, kaha Mwata na Mulwilo, etu tuli vakusakwilila kuli Ove hali elu lusesa luze etu tuli nalwo chimene chino, kwimana Kumeso Ove, na vathu Jove vase vanasokola na kutala ha Kwiza Chenyi chamuchivali, kututambula etu Lyavene. Kachi kuli shili mukachi ketu, Mwata, tutomese na usope Wove. Kaha

etu twalombo, Tata wa Mwilu, nge Ove muya nakuhindula kala muthu wakuviza uze ali mukachi ketu.

<sup>19</sup> Kaha kachi kuli nakuya nakupwa, lihanya, vase kavatachikijileko Ove, muze mulujimiko lwalunene lwa Shipilitu Wajila luze etu twapwile chikuma kukakachila, kaha kuhanjika nge chatela kupwa, kutesekeza na Chisoneka cha likumbi lya makumishilo, etu twalombo, Kalunga, nge Ikiye mwaya nakuholoka hali etu vosena, lelo, kaha kutujimika mu Mujimba, kaha kuneha vase vali kuweluka, nawa, Tata.

<sup>20</sup> Tukisule shimbu natutanga Lizu Lyove na kufwila kuhanjika nge ou unapu Muchano wa Lizu Lyove. Kusoka tunwa twavo kuli chize kupwa vakuzeneka kushishika, kaha kusokolola michima na mukanwa kuli chize kupwa Muchano, shimbu etu twalihane etu vavene kuli Ove. Kuzachisa mukanwa ketu kuhanjika, kaha matwitwi etu kwivwa, kaha michima yetu kutambula. Etu twalombo echi mu Lijina lya Yesu, Uze atongwele echi kupwa ngocho. Amena.

<sup>21</sup> Ngwatondo kutanga kufuma mu Lizu Lyajila, vihela vitatu mu Mbimbiliya. Kaha kachi enu namusoneka evi, kaha enu namutonda kuvimbata nakuhita, kuvitanga kupwa mijimbu yakulutwe, Nanguya nakupwa wakuwahilila kachi enu namuhasa kuvasoneka. Chize chihela Nguli nakuya nakutanga chinapu Mateu 28:1-10, kaha jino Kusoloka 1:17-18, Loma 8:11. Kaha echa Nguhilukileho cheka. Kaha jino Mateu 28:1 na 10, Kusoloka 1:17 ku 18, na Loma 8:11.

<sup>22</sup> Jino etu tuli nakupandama ku Paseka. Kaha nge omu muli nakumbata vihela vyenu, kaha kusoneka echi, Ngunashinganyeka nge ou mulungu uli nakwiza kupwa umwe waunene mulungu wa mijimbu yamwaka ya milungu yamu mwaka. Ngwashinganyeka chize chuma chachinene etu natuya nakuwahilila uno mulungu, ou uli nakwiza mumulungu, wapwilenga chuma chachinene chasolokaho lyehi hano hamavu. Kangwashinganyeka kalachuma chinahase kuhitako. Enu ngwenu, “Chamwaza, chize—chize kusukika chapwile chachinene.” Oloze malunga vavavulu vafwile, malunga vavavulu vanavasukike, mumakumbi amwe a Mwata wetu. Oloze kuze kwapwile Umwe wavo Uze asangukile kufuma kuvafu. Uze wakujika.

<sup>23</sup> Jino Ngwatondo kutanga. Kaha ou unapu muyachi wa mujimbu waundende washimbu kanda Paseka, nge Mwata netavila, pamo minyutu fwote. Jino echa tutange kufuma muli Mukakujila Mateu wa Mujimbu wamwaza, kapetulu 28, kuputukila.

*Kaha omu lyasakile likumbi lya samabata kuhwa, omu kuputuka mulungulungu lya kucha kutwala cha likumbi lya semana lyatete, kwejile Maliya waku*

*Mangatala nauze Maliya mukwavo vayile nakutala kuchimbumbwe.*

*Kaha, kumana, kuze kwapwile mundenda waunene: mwomwo mwilu mwafumine kangelo ka Yehova, ejile ashindumwineko lize lilolwa, kaha atwamineho.*

*Hakumutala afwanyine nge muveso, kaha nakuwala chenye chitoma to, nge vula ya chishika:*

*Kaha vaze vakakulama vakakulifukula vamwaka kulinga...vakakulama (ngukonekelenu) hakwivwa woma vandendele, kaha vapwile nge hivafu kaha.*

*Kaha uze kangelo ahanjikile nakwamba vaze mapwevo ngwenyi enunyi, Kanda wivwa womako: mwomwo Ngunatachikiza ngwami enu muli nakutonda Yesu, uze vasukikanga kukulusu.*

*Ikiye keshi cheka munoko: nasanguka lyehi, nge muze ambile. Twayenu kaha mutale oho vamusavalikanga Mwata.*

*Kaha yenu lumbushi mukavambulile tumbaji twenyi ngwenu, nasanguka lyehi kuvafu: kaha talenu mwalivangaho kulutwe lweni nakuya ku Ngalileya; kwakuze vene enu namukamumwene: Iwenu, Ngunamilweze lyehi.*

*Kaha vafumine washi kuchimbumbwe, nawoma, nakwahilila chikuma; valahile na kuvambulilako vaze tumbaji twenyi.*

*Kaha kumana Yesu avahumanganyine, avambile ngwenyi, wahililenunga. Kaha vakiko vejile na kumukwata ikiye kumahinji enyi, na kulifukula ikiye.*

*Kaha Yesu avambile ngwenyi, Kanda namwivwa womako: yenunga mukavalweze vandumbwami vandumbwami vakatuke vaye ku Ngalileya kwakuze vene navakangumwena.*

24 Kaha Kusoloka, kapetulu 1, kaha vasi 17 na 18.

*Kaha omwo Ngwamumwene, Ngwalimbukilile kumahinji eyi nge ngumuthu wakufwa. Kaha angunangikile livoko lyenyi lyachilyo, angwambile ngwenyi, Kanda wivwa womako; Ami yami mukakulivanga yami mukakuminyina:*

*Ami mukakuyoya, kaha ngwafwile; kaha tala, ngumukakuyoya nahaya myaka na myaka, Amena; kaha nguli najisapi jakufwa najiji ja hetese.*

25 Kaha mu Mukanda wa Loma, kapetulu 8, kaha kuputukila ha vasi 11.

*Oloze kachi Shipilitu yayauze amusangwile Yesu kufuma kuvafu atwama muli enu, kaha ou amusangwile Kulishitu kuvafu mwakayoyesa namijimba yenu nawa nayiya nakufwa kuyiyoyesela muli Shipilitu yenyi ou atwama muli enu.*

<sup>26</sup> Jino Ngwafwelela nge Mwata Yesu mwaya nakuhaka kukisula Chenyi kukutanga cha Mazu. Kumona chize, Paseka, Ngunavisoneka mumuchima wami nge kuliwana chachinene, mokomoko chuma chachinene cha—cha mwaka.

<sup>27</sup> Ngwatondo kumilomba kungukonekela katando yayindende. Chize kacheshi kupwa muyachi wakuhona kwivwa kanawa kuli enu, kupwa nge kutohwoka? Echi chosena chakwoloka? Munahase kwivwa kanawa nge ngachize? Mamalelo! Enu kamweshi kuhasa kwivwa echiko. Echi chinapu kanawa, chochimwe nge ngachize? Kangwazangile kupwa hakamwihi chikumako.

<sup>28</sup> Jino, mwomwoika Nanguhanjika echi, mwomwo, Paseka, Ikiye enjikijile omwo yahanjika Mbimbiliya. Chize Chisoneka chosena chize vachisonekele hali Ikiye kulinga, Ikiye vakujika Meshiya Wenyi omwo Ikiye asangukile kufuma kuvafu, katachikijilo ka Paseka. Etu tukwechi chikuma lelo etu tuli nakuhanjika hali echi, nge, kulanda tutachikijilo twa Paseka. Chamwaza, Ngwatondo kuhanjika chimene chino: *Katachikijilo Ka Paseka*. Chinapu katachikijilo ka kuhandunuka kuhambakana chumamuka etu tweji kulanda na mali, nge katachikijilo katela kuya nakuhita mikanda, Ngwashingtonyeka, musongo wa Tuberculosis Association mokomoko kala chuma vakiko vavuluka. Ngwa—Ngwashingtonyeka kaze katachikijilo kupwa katachikijilo kakandende kakuhandunuka. Kaha kupwa nge Paseka linapu likumbi lyalinene lya mwaka mwomwo etu Vakakulishitu vaze valivuluka kupwa vana va Kalunga, Ngwatondo kweseka kuhokola echi na kumona omu etu twatela kulikata na echi chuma chachinene chize Kulishitu alingile hali etu.

<sup>29</sup> Eli Lizu lya Kalunga vahanjikile mu myaka yayivulu, myaka handulendi shimbu kanda Kwiza Chenyi, cha kusukika Chenyi, kaha kufwa Chenyi, na kuyanda Chenyi, na nawa cha kusanguka Chenyi. Etu natuya nakuhita mukutanga, pamo, mulungu nawizaho, nge omu etu tuli nakwivwulila ha kwala chetu—chetu ha chisaji; kaha mumauka etu, na mapashita jetu, na vyangocho, uno mulungu.

<sup>30</sup> Oloze makumbi osena na vyuma vyosena vize Yesu alingile, kaha punduvene kusakwilila vyosena vya kwinjikiza cha Lizu lya Kalunga kaha chuma Ikiye alingile kuzalisa Echi: kuka vakakuviza, kusangula vafu, kutapula vandemone, kunangula Mujimbu wamwaza kuli vakakuhutwa, kaha kuzalisa kala Lizu lize Kalunga ahanjikile nge Ikiye mwaya nakulinga omwo Ikiye

ejile; kaha jino nawa kuyanda jishili jetu, muchihela chetu, kupwa mukakuka ha shili, kuze kukulusu, kuze kakweshi umweko nahase kulinga echi oloze Ikiye. Oloze helu lya vyosena vize, Ngwashinganyeka Paseka yajikile vyuma vyosena.

<sup>31</sup> Mwomwo, kunapunga tupolofweto hano hamavu, vaze vapolofwetele kumeso Eyi. Kunapunga tupolofweto hano hamavu, uze ahindwilenga vakakuviza, kusangula vafu, kaha kulinga vinjikizo vyovimwe vize Yesu alingile.

<sup>32</sup> Oloze Paseka yenjikiza echi. Echi kujika eli Lizu lya Kalunga hayamyaka na myaka, kupwa mukakufwelela wamuchano. Kutemwina na kukakasana kujima, hali chize chimene chamwaza. Muthu vamusokele, nge muze chapwile, muzuvo ya ufunge, na vathu vakulifukula shimbu kanda likumbi lya lelo, mwomwo vakiko vanapunga...kumona kulifukula chachinene kutambuka, na kutambuka cha Shipilitu Wajila, na vyangocho. Oloze omwo muthu afwile, chasolokele kuunda. Oloze omwo ou Umwe ejile, kaha ngwenyi, “Ngukwechi ngolo jakutulika Chiyoyelo Chami hamavu; Ngukwechi ngolo jakumbata cheka,” kaha jino yako kwinjikiza chumamuka Ikiye ahanjikile, kuli yami, kaze—kaze katachikijilo ka echi, omwo—omwo chumachimwe vanachihanjika kaha jino kwalumuka nakujinguluka na kwinjikiza.

<sup>33</sup> Kachi muthu mwahanjika, nge Columbus, kufwelela kaye kapwile kamuvingulula, kaha ikiye atalile hajimbopolo, nge omu vatulwekele, omu vakiko vejile nakwingila, kaha ikiye ahashilenga kumona jila yazhi shimbu kanda ikiye ahase kumona mbopolo. Kaha echi chinenjikiza nge kaye apwilenga nakujingilika. Vathu kavafwelele chizeko muli lize likumbi, oloze ikiye apwilenga muthu wa chimweno. Ikiye atwamine kwinjikiza vene chumamuka ikiye apwile na chimweno, uze wapwile muchano.

<sup>34</sup> Kaha Kalunga ajinyine kwinjikiza Lizu Lyenyi, kupwa Muchano. Shikaho Ikiye...Kuze kwapwile Lunga umwe ahashile kulinga chize, kaha uze apwile Yesu. Kaha Ikiye ejile na kwinjikiza nge kupwa Muchano. Echi kujika echi. Kaha chize chahokwele tutachikijilo twa milima yosena, kaha kumwanga vyosena—vize vyakushinganyekela cha kulifukula, kaha na vyangocho, kuze malunga vavanene kukatuka na kuhanjika vyuma vyavinene, vyuma vya mwaza; oloze vakiko vali, vosena, muze muchimbumbembe. Oloze kulifukula chetu cha Vakakulishitu chili umwe kaha uze ali na chimbumbembe chaupolongwa. Kaha echi chinenjikiza kuli yami nge Ikiye Kalunga wa kufwa, kaha Kalunga wakuyoya, nge Ikiye ahashile kusangula wakufwa, kukinduluka kukuyoya cheka. Kaha Nguli...eji ngolo jakuyoyesa, Shipilitu ya Ikiye, vananjikiza kuhichila mu myaka nge Ikiye apwa Umwe Uze nahase washi kuyoyesa kufwa, kukinduluka ku kuyoya cheka.

<sup>35</sup> Kaha omwo Ikiye enjikijile lushiko Lwenyi, echi kufungulula chachinene cha Ngolo chize Ikiye apwilenga nacho, ha Paseka Ikiye enjikijile nge Ikiye ahashile kufwa, hetese, na chimbumbwe. “Yami Vene uze apwile wakufwa, kaha ayoya cheka, kaha ayoya haya myaka; kaha kupwa na jisapi ja—ja kufwa, hetese, na chimbumbwe.” Hanjikiso kana—kana kuli muthu kuyihanjika! Kaha keshi kaha alingile Ikiye kulinga echi, oloze Ikiye tele nachinjikiza lyehi nge Ikiye—Ikiye apwilenga na chuma Ikiye ahanjikile kupwa.

<sup>36</sup> Kaha Ngwashingtonyeka, Kalunga zalisa likumbi lize omwo etu, nge Vakakulishitu vaze vafwelela eyi Mbimbiliya, tunahase kwinjikiza chuma etu tuli nakuhanjikaho. Talenu? Echi chikiko cheji kulingisanga, nge omu ikiye ambile ngwenyi kunyima okwo, “Uze mungwa wavakamavu,” uze ndumbu wapwevo ambile ngwenyi. Echi chakwoloka. Aka kaye kali nakutala hali uze mungwa. Kaha omwo etu tunahase kwinjikiza ha viyoyelo vyetu, na ha Mbimbiliya, nge viyoyelo vyetu vili nakwinjikiza eli Lizu kupwa nakuyoya lelo, lize likiko likumbi etu tuli nakutala.

<sup>37</sup> Eli Lizu . . . “Eyi Shipilitu,” Loma 8 kuze :11 ngwenyi, “Kachi eyi Shipilitu ize yamusangwile Yesu Kulishitu pwako muli enu, nayiya nawa nakuyoyesa mijimba yenu.” Keshi kaha Ikiye kwinjikiza kuli Ikiye, kuli etu, nge Ikiye apwilenga Yehova Mukakusokola kaha apwile na ngolo ha kufwa, hetese na chimbumbwe, oloze Ikiye natuhane etu nawa lisesa lya Shipilitu youmwe, nge etu vavene tunahase kupwa na kukunyuka nge etu nawa twayoyesa ha Shipilitu. Mwomwo eyi Shipilitu ize yasangwile Yesu kufuma mukufwa muli mujimba wove, Nayiya nawa nakuyoyesa mujimba wove. Jino, eli lizu *kuyoyesa* kulumbununa “kupwa wamutonyi hanyima ya kufwa.” Hanyima ya kufwa, jino echi kupwa chakuyoyesa.

<sup>38</sup> Aka kaye vanakasoka mukukakasana, ha visemunuino vyavivulu palanga jino. Echi vanachinjikiza, keshi kuhanjika kaha hali chize, oloze nachinjikiza. Ngwashingtonyeka nge kalachuma chize chinatela . . .

<sup>39</sup> Nge omu ahanjikile Yesu, “Yenunga shikangaho, mukanangule mafuchi osena; kaha kwinjikiza kuli vakiko, ha kusolola ngolo ja Kalunga kuli vakiko. Evi vinjikizo navikakavangiza vaze vakakufwelela.” Vaze vashika na kuhanjika nge vakiko vafwelela, Ikiye atuhana kwivwushisa chetu, chize, “Evi vinjikizo navikakavangiza vaze vakakufwelela.” Nachiya nakupwa chinjikizo cha unjiho wavo. Jino, etu tunahase kuhanjika etu twafwelela. Oloze palanga etu tuli na chinjikizo cha kwinjikiza nge Ikiye ahanjikile echi nachiya nakupwa hali etu, kahajino etu tuli kaha *nakwitavila* kupwa vakakufwelela, kaha keshi *luheto* lwa vakakufwelelako.

<sup>40</sup> Mwomwo, anuka . . . Makumbi amandende kunyima okwo, Ngwapwile nakwivwulila ku—ku kwala cha KAIR

mu Tucson. Kaha ou mukakuzata nambate kusali yetu, chize, “Echi kulifukula cha pendekosita kachapwile chumako shina mukakunangula kaha. Kuze kwapwile. . . Keshi kwivwulila kuli chizeko. Chapwile chakuhona kuzama.” Kaha ambile ngwenyi, “Kala muthu uze ahanjikile mumalimi, kaha vyuma kana, kaha kulivuluka kupwa, kuhindula vakakuviza, na vyangochi, ha kulomba, chize chapwiloenga nakuseza nakufumako. Kaha kulombelela vase vakakuhutwa vathu veji kusakula, mwomwo vakiko vapwile mu—mu kuhona kumwenesa, chize chapwile chuma chimwe chakuhenga na vakiko.” Mamalelo, omu Ngunatondo kuhanjika kuli uze ndumbu walunga chindende! Kaha ikiye ambile ngwenyi va. . . “Chize, chize vachihanyine kaha kuli vapositolo ha Likumbi lya Pendekosita, kaha mukiko chapwile.”

<sup>41</sup> Ngunawane chize, myaka seti kufuma haze, Paulu apwile nakutongola awa mawana Muliuka. Mu Kolinde Watete 15, chize, “Ikiye atwamine mu Liuka wana wa kuhanjika mumalimi, vikomwesa. Kaha awa mawana akwavo vawahakile mu Liuka.”

<sup>42</sup> Yesu ngwenyi chize. “Yenunga kukaye kwosena na kunangula Mujimbu wamwaza kuli tengeso yosena.” Ngachilihi? “Kaye kosena.” Kuli hiya? “Kala tengeso.” Vakiko kanda lyehi vatambule Echi. “Kaha evi vinjikizo navikakavangiza vase vakakufwelela.” Lwola muka? “Kaye kosena.” Kuli hiya? “Tengeso yosena. Evi vinjikizo navikakavangiza, mukaye kosena, kaha muli tengeso yosena. Evi vinjikizo navikavakavangizanga vakiko: mu Lijina Lyami navakatapula va ndemone; kuhanjika malimi amahya; kachi vakiko navambata chuma chakufwa, mokomoko linoka, mokomoko kunwa chuma chakufwa, kacheshi kuvakolesako; vakiko navakahaka mavoko avo hali vakakuviza, kaha navakayoya.” Echi chinapu kutuma Chenyi chamakumishilo ku Liuka, Mako kapetulu 16.

<sup>43</sup> Paulu atongwele awa mawana Muliuka, mwahichi myaka seti. Kaha ngwenyi, mu Ngalasha 1:8, “Kachi Kangelo kufuma Mwilu kunangula kuli enu kala mujimbu weka kuhambakana Ou vanatambula lyehi,” talenu, vanachinangula lyehi, “echa apwenga wakwangula.” Ngwafwelela nge pendekosita kuputuka chakuzeneka makumishilo. Ngwafwelela echi chatela kupwa kuli tengeso yosena, lwola lwosena, muvihela vyosena, pendekosita atela kupwa lwola lwosena. Kukisula cha pendekosita chatela kupwa hali vathu.

<sup>44</sup> Kaha jino, nyi echi kukisula cha pendekosita? Echi chinapu kwinjikiza cha kusanguka. Shikangaho Mujimbu wamwaza Uvene kulumbununa “mijimbu yamwaza.” Mijimbu yamwaza ya chuma muka? Ikiye nasanguka kufuma kuvafu. “Kaha mwomwo Nanguyoya, enu mwayoya nawa.” Enu mwapwilenga vakufwa mu shili kaha kuvulumuna, Kalunga natuyoyesa etu hamwe, hali ize Shipilitu ize yasangwile Yesu kufuma kuvafu. Kaha etu tuli

jino nakutwama muvihela vya Mumelu na Ikiye, kulikata na Ikiye, kuhanjika na Ikiye. Kuwahilila kana kulweka vathu nge mujimbu, nge kufwelela echi kupwa Muchano!

<sup>45</sup> Nguli nakulikomokela, lelo. Echi chikiko chili nakusoloka. Etu tuli vene nakumbata vathu kuli Kalunga, mokomoko etu tuli kaha nakuvatwala kuliuka? Etu twatela kuvambata vakiko kuli Kulishitu, kuze echi ngolo jakuyoyesa. Echi chinapu chamwaza kuya kuliuka. Punduvane. Kachi echi chili shimbu etu natuya, kacheshi chikumako. Omwo enu namwiza kuliuka, echi chamwaza; oloze yenu kuli Kulishitu, kufuma muliuka, mwomwo etu twatela kutambula ngolo jakuyoyesa, kachi etu natushinganyeka kupwa mukusanguka chavosena, mwomwo echi chikiko kaha chuma nachiya nakutuneha kufuma kuvafu. “Mwomwo kachi eyi Shipilitu ize yamusangwile Yesu kufuma mukufwa yatwama muli enu, Echi nachiya nawa nakuyoyesa, kuneha kuyoya mijimba yenu.” Lushiko kana kuli etu!

<sup>46</sup> Jino talisenu. Chize kwitavila cha kusanguka chinapu kwambulula na kusolwesa, na kwinjikiza nge Yesu nasanguka kufuma kuvafu. Ikiye kafwileko. Ikiye ali kuyoya. Ikiye ayoya hano. Ikiye ali muli etu. “Nanguya nakupwa naenu, na enu. Chindende kaha kaha kaye kakeshi Kungumonako chekako. Oloze, enu namukaya Nakungumona, mwomwo Nangukapwa na enu, na muli enu, nakusongo ya kaye.”

<sup>47</sup> Jino, nge Vakakulishitu, etu vosena tweji kuvulukanga Ikiye ayoya, mokomoko etu vanatuyoyesa kufuma—kuyoyesa kufuma ku kuyoya. . . kufuma mukufwa nakuya mu Kuyoya, ha Shipilitu Yenyi. Kaha kachinetu kavatuyoyeseleko, kahajino kavatulingishile kupwa vakuyoya.

<sup>48</sup> Jino etu natuya nakuhokoka hali ou mutwe wachihande, nge Mwata netavila, kaha kunangula echi ha minyutu yayindende, omu echi: Etu twayoyelanga, kaha etu twatela kupwa vakukunyuka nge ou unapu Muchano?

<sup>49</sup> Jino, echi chinapu chiyoyelo chove, echi chinapu kuyoya chami. Haze hakiko hali chize. . . Kachi ou kaweshi Muchano ko, chuma muka Nguli nakuhanjika, kahajino Nguli umwe hali vathu vakuvayangila muno mukaye. Ngunahane chiyoyelo chami ha chumachimwe kakweshi chuma chimwe, kaha shikaho ove uli nacho. Oloze kachi echi chinapu Muchano, kahajino Nguli na mukuli na vyuma vyosena vize Yami. Nguli namukuli wachuma chimwe chize Ngunahase kupwa, mwomwo, etu kwimana ha. Kaha Ngwashinganyeka nge etu twatela kujimbalisa kutetela chetu.

<sup>50</sup> Kaha nge omu tuli nakumona Paseka kupandama, echi kulinga chumachimwe mukachi muli yami, nge omu Nguna—Ngunatachikiza nge lize likumbi lize chize chuma chapwile vakujika hayamyaka, kumeso a Kalunga.

51 Jino, etu tunamono, echi chili Shipilitu yoyimwe ize yasangwile Ikiye kufuma muchimbumbwe, ize yatwama muli etu. Jino, nachipwa ngachilihi? Eyi Shipilitu ize yasangwile, Kalunga, Yesu kufuma kuvafu, yatwama muli etu.

52 Jino, jino, yinapu Shipilitu yeji kuyoyesa. Echi kacheshi Lizu lize lyeji kuyoyesako. Yinapu Shipilitu yeji kuyoyesa Lizu, mokomoko kuhana Kuyoya cha Lizu, kuhana Echi mavava kutuka, kuhana Echi lisesa. Ali Shipilitu eji kulinganga ngachize.

53 Jino, ize tiliku, ukawenyi, ili tiliku; oloze omu chize kuyoya chakuyoyesa kwiza nakwingila, kwingila muze mutiliku, jino nachihana kuyoya. Kaha etu vaze vapwilenga vakufwa lwola lumwe, vavalingishile kupwa mu chifwanyisa cha Kalunga, kaha oloze kufwa mu shili na kuzomboka shili, kuli jila yimwe Kalunga atela kupwa na echi Kuyoya cha mu mijimba yenu. Nguli nakuhanjika ha mujimba wove.

54 Jino, Yesu apwilenga lize Lizu. Enu mwafwelela echi, keshi ngochoko? “Kukuputuka...” Mukakujila Yowano 1, “Mukuputuka kwapwilenga Lizu, kaha Lizu lyapwilenga na Kalunga, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama muli yetu.”

55 Jino, nge Meshiya ashikile, Ikiye ayoyesele Lizu lyosena lize vapolofwetele nge Ikiye mwaya nakulinga, hindula vakakuviza, kaha omu Ikiye mwaya nakupwa wakusemuka kuli sanda, vosena vaze, valingile. Ou unapu muchano. Ikiye apwilenga lize Lizu, kusoloka hano hamavu, oloze Ikiye kahashile kulinga echi nge Muthu ko. Echi chambachile Shipilitu ya Kalunga, kutwama muli Ikiye, kuyoyesa eji jishiko kuli Ikiye. Ngunatalilila nge etu natupwa na echi hatoma jino. Yesu, kupwa Muthu, Lyavene, mujimba, oloze ambachile Shipilitu muli Ikiye, eyi Shipilitu. “Keshi Yami uze ngweji kuzatanga milimoko. Ali Tata Yami atwama muli Yami. Ikiye Umwe uze eji kuzatanga milimo.” Talenu? Yesu Lyavene apwilenga Lizu, mwomwo Ikiye apwilenga... Kumeso a Kalunga...

56 Eli linapu lizu lyalipi kuzachisa, kaha Ngwafwelela enu mbatenu echi mwakwoloka, shimbu kanda lizavu. Oloze Ikiye apwile wakatongola lyehi ku kutachikizaho lyehi cha Kalunga, omu punga ya Kalunga yapwilenga nakupwa, nge Ikiye mwaya nakutuma Mukakusokola, kaha ou Mukakusokola nahase kupwa Mwana Neyi Ivane. Shikaho, jino, luze lwapwile lushiko lwa Kalunga, kufuma kwosena mulitepa lya Milemba, nge Yesu mwaya nakupwa hano. Hano Ikiye apwilenga nge Muthu, wakusemuka kuli mujike, oloze echi chambachile Shipilitu ya Kalunga kuyoyesa lize Lizu kuli Ikiye. Kaha Ikiye apwilenga lize Lizu, kuyoyesa, lize Lizu kuyoyesa hali ize ola. Lwola luneza omwo enu mwatela kupwa na Mukakusokola. Lushimbi

Iwahonene. Vyuma vyeka chahonene. Jino, chinatondeka Mukakusokola, kaha Ikiye apwilenga Mukakusokola. Ikiye vamuyoyesele na Lizu Iya Kalunga.

<sup>57</sup> Kaha jino kachi ize Shipilitu ize yapwile hali Ikiye kupwa Mukakusokola muli chize chisemunuino, nge etu tunetavila jino lushiko Iwa mumakumbi akumakumishilo, chuma muka nachisoloka; kachi enu namwiza nakupwa chihanda cha lize Lizu, enu vamisokola na Ikiye, mwomwo Shipilitu youmwe uze atwama muli Kulishitu mwatwama muli enu, kuyoyesa kuyoya chove kuli chino chisemunuino. Kaha Nachiya nawa, mulwola lwamakumishilo, kuyoyesa mijimba yakupola, kuvasangula cheka, kuvaneha cheka. Echi chinambate milima omwo etu tuli nakutala hali chize. Kaha ou—kaha ou unapu Muchano. Talenu?

<sup>58</sup> Loma hano, Paulu nenjikiza echi kuli etu. Talenu? “Kachi eyi Shipilitu ize yasangwile Yesu kufuma mukufwa muli enu, Echi nachiya nawa nakuyoyesa mijimba yenu.” Eyi yinapu Shipilitu yoyimwe yize yamusangwile Ikiye, ize yayoyesele mukakufwelela wamuchano kuya naku Kuyoya cha Hayamyaka. Eyi Shipilitu ize yasangwile Yesu kufuma mukufwa muli mukakufwelela, kuyoyesa mukakufwelela ku Kuyoya cha Hayamyaka.

<sup>59</sup> Kuli kaha Kuyoya chimwe, Shipilitu yimwe ya Hayamyaka, Kuyoya chimwe Chahaya myaka yosena, kaha ou ikiye Kalunga. Kalunga, ukawenyi, napu Hayamyaka. Kaha jino etu, hakupwa vana Venyi, vapwa chihanda cha Ikiye, echi chili, vilinga vya kushinganyeka Chenyi. Kaha chishinganyeka vanasolola na kwiza nakupwa lizu. Kahajino, wosena muno, uze aheta Kuyoya cha Hayamyaka, chapwile shimbu kanda chikuku cha kaye, mu kushinganyeka cha Kalunga. Echi chili jila kaha chinahase kupwa, mwomwo ove unapu vilinga. Echi chinapu kusolola cha chishinganyeka, chineza nakupwa Lizu; kaha Lizu linambate Kuyoya, kaha chinapu Hayamyaka. Ou ukiko mulonga etu tuli na Kuyoya cha Hayamyaka. Mu jishimbi jojimwe jize Mwana Kalunga wamunene, uze Mukakusokola, etu tuneza nakupwa vana vamaunga na vamaapwevo va Kalunga, kuhichila muli ize Shipilitu yoyimwe, ha kutachikizaho Iyehi cha Kalunga.

<sup>60</sup> Tala jimiliyoni hano hamavu uze katambwile Echi omwo Yesu apwilenga hano. Oloze omu twakusakwilila nge etu twatela kupwa chimene chino, kutachikiza nge etu tuli na chinjikizo chivene kaha Mbimbiliya kwinjikiza, ngana etu twahakilemo chize kusanguka chachinene cha chimene kwiza, nge Paseka yayinene! Etu tuli na chinjikijilo cha echi, hano vene mumijimba yetu. Vaze vamwe vakutongola vanapu vamwe vatete, mukiko vene, kupwa vakuyoyesa, omwo Shipilitu Wajila kwiza na kuvuluka Echi Iyavene.

<sup>61</sup> Jino, kuli hanjikiso yayinene, kaha Ngwatondo vandumbwami vamaunga kweseka kwivwushisa echi. Talenu?

Mukuputuka, Kalunga, Shipilitu wamunene, Ikiye kapwile numba “Kalunga” ko. Ikiye apwilenga Umwe wa Hayamyaka. Kalunga napu “chuma chakulifukulako.” Ikiye kapwile nachumako chakulifukula kuli Ikiyeko. Kuze kakwapwile numba—kuze kakwapwile numba Vangelo, kakweshi chumako. Kalunga Ukawenyi, Ikiye ukawenyi, napu Hayamyaka. Oloze, mangana apwenga Kalunga, kwatela kupwa chumachimwe chakulifukula kuli Ikiye, shikaho Ikiye atengele Vangelo, kaha Vathu, kaha Vakeluve, na vyangocho, kulifukula kuli Ikiye. pungu Yenji yayinene yaputukile kuvungunuka.

<sup>62</sup> Oloze anuka, enu, mu—mu chivwuvu enu muli, chimene chino, kachi ove kawapwile mukushinganyeka Chenyi jino, ove kaweshi nachoko. Mwomwo enu, kuli chihanda chimwe chili muli enu, chize chinapu Hayamyaka, kaha Hayamyaka chinapu cha Kalunga. Kaha muli Kalunga mwapwile kushinganyeka Chenyi cha ove kutwama haze vene ove uli jino. Mu kushinganyeka Chenyi, Ngunemana ha kamenga chimene chino, mwomwo Ikiye apwa wakuzeneka maputukilo na makumishilo kaha atachikiza vyuma vyosena. Shikangaho Ikiye ahashile kulweka makumishilo kufuma kumaputukilo, mwomwo Ikiye napu Hayamyaka. Kaha enu, kupwa mwana Kalunga mokomoko mwana wapwevo wa Kalunga, kahajino enu mwapwile muvishinganyeka Vyenyi ha kuputuka.

<sup>63</sup> Kaha jino omwo Shipilitu Wajila ejile, kaha ove uli hano hamavu, kutambuka nakujinguluka hano nge mukashili, kushikumuka muchiyoyelo chove kuli chumachimwe. Ove unahono kutachikiza chuma muka chili nakusoloka, oloze uli nakwivwa zala. Ngwevwile ndumbu walunga waka Pulishiteliyani; Ngwevwile nge—nge kuhanjika cha Mbaputishiti, kunyima kuze, ikiye apwile nge—nge Kukasunuka cha Mbaputishiti, kunangula kuze ikiye nahase. Ndumbwami walunga, ove, kuli chuma chimwe muli ove, chumachimwe chize ove kaweshi kuhasa kwingila muze. Echi chinapu chumachimwe chize ove kaweshi kuhasa kufwila kupwa muze. Echi chinapu chumachimwe chize chakulimbakala na chisemwa chove. Echi chinapu kutongola cha Kalunga, kusoloka, Lizu Iya Kalunga.

<sup>64</sup> Nge Yesu nasemuka Mwana Kalunga, kupwa Emanuwele, Kalunga wakusoloka hatoma muli Muthu. Kaha Ikiye amuwanyine Ikiye mu kwononoka chakukupuka, kuze ku Kalwiji wa Yotane, hakupwa wakujimika muli uze kapolofweto. Kaha haze vene Ikiye anonokele Ikiye, na kutambuka nakulovoka mumeya, Melu asokolokele kuli Yowano. Kaha ikiye amwene Shipilitu Wajila ali nakushikumuka kufuma Mwilu, kuhanjika, “Ou ikiye Mwa Nami ngwazanga.” Talenu? Kwononoka chakukupuka, Shipilitu yamutondele Ikiye, mu kwononoka.

<sup>65</sup> Mamalelo, mujila yakuweluka mokomoko pwevo, chimene chino, omwo enu munatwame hano, kaha kuli chumachimwe

muli enu kukulweka Echi chakwoloka, ali Shipilitu Wajila ali nakutonda enu, kuneha enu chinyingi cha Muchano cha ino ola etu tuli jino nakuyoya, keshi ola yimwe ize yinayi lyehi, eyi ola jino.

<sup>66</sup> Kuze kwapwilenga masauzande kwononoka muola yahichile. Oloze kwapwile ola yalelo, ize yapwile ola ize Yesu asolokele, kaha kuze kwemanyine Lizu. Kuze kwemanyine vathu. Kaha hano hakiko hapwilenga kusoloka cha Kalunga kusoloka, kwinjikiza nge wapwile Muchano.

<sup>67</sup> Kaha nge vathu va Chipendekosita, lelo, echa nguhanjike echi, nge etu tunemana mumakumbi akumakumishilo kuze Kalunga ashikile Ikiye mwakaya nakuhingununa Shipilitu Yenji hali vakwechi mijimba voseni, kaha vana Yenji vamaunga na vamaewe vatele kupolofweta. Mwomwo Ikiye ambile ngwenyi, “Evi vinjikizo navikavakavangizanga vaze vakakufwelela.” Eyi ikiko ola. Echi chikiko cheji kulingisanga tengeso muli enu.

<sup>68</sup> Nge muze Ngwahanjikanga hano, keshi kunyima chikumako, chevakanana kupwa chindende nge mukakulifukula; oloze Ngwatalilila echi kacheshi, kuli enu, chimene chino. Uze jimi uze ahakile ngonga, mokomoko kuhaka kasumbi, kaha apwilenga na liulu lya ngonga. Enu vavavulu munanuka mujimbu wa ngonga wamwaka kusema—kuli echi... Mokomoko, uze chali kusema haze kuli kasumbi, mokomoko—mokomoko—mokomoko liulu lya ngonga mwishi ya mangona eyi atunyama. Talenu? Echi chili kuyoya chakujinguluka.

<sup>69</sup> Eli liuka lya Pulishitelyani, liuka lya Mesondisiti, liuka lya Mbaputishiti, kala muli vakiko vanahase kuneha va ngonga. Punduvene. Echi chili kuyoya chinakujinguluka chikiko chinakulinga. Nge Ndotolo Bosworth apwilenga nakwamba ngwenyi, “Ove unahase kumbata liulu lya kasumbi nakulihaka hali...mwishi ya chikungo, kaha nakumukasa, chihungu kutoteka kasumbi.” Mwomwoika? Echi chili kuyoya chakujinguluka. Kaha omwo kala liuka mokomoko kala lizavu lize naliya nakulinunga vavene hamwe, kaha kulomba palanga vakiko kumbila jishimbi javo na vyuma, kaha kutala vene kumeso a Kalunga, nayiya nakuneha ngonga kupwa vene wakukunyuka nge omu Ngunemana hano.

<sup>70</sup> Chize chikiko Ngwashinganyeka nge eli lizavu lya vakakusekasana linalingi, kweseka kuhokoka cha kuyoya. Etu tuli nakupwa na chipendekosita. Umwe apandama kuli *echi* na *chize*. Echa kuhokola utangatanga na kupwa nautangatanga muze mukulifukula cha Mumelu. Kupwa na kuyoya chinakujinguluka, ngonga vatele kusemuka, na—na kulovoka mukala liuka, kumwe.

<sup>71</sup> Kaha ou kwaze wamundende kutambuka na kasumbi lwola lwalusuku, oloze uze—uze kuchukajala apwilenga muyachi

wa chaungeji. Ikiye kahashile kwivwushisa chumamuka kasumbi wachali alumbunuine kachi mwasanda ha—ha—hamulumba wa tuji twenyi muze—muze muchipango. Kaha chize kachapwile kulya, kuli ikiyeko. Kaha ikiye kulya tuzengwe, na vyangocho, uze kwaze kahashile kulyako. Shikaho chinasoloka kupwa chaungeji, chosena, kuli ikiye. Kaha ikiye apwile pato wamupi chikupu; ikiye apwile, keshi nakuhanjika echi kupwa chakulifukulako, pamo ikiye apwilenga ka Kukasunuka cha Mbapatishiti, kaha, oloze chumachimwe ha chiyulo, mokomoko mu Pulishiteliyani.

<sup>72</sup> Oloze, munatachikiza, likumbi limwe naye atachikijile nge ikiye apwile na liulu. Kwatela kupwa mwana kumwe. Shikaho ikiye kumbila mavava eyi muze mupeho, kaha ikiye kutondatonda, kutambakana helu lya lizu lyenyi. Kaha likumbi limwe, ikiye ahichile muchipato. Kaha omu uze kwaze wamundende evwile echi kutambakana, ikiye kanda lyehi achivwe echi shimbu kanda, oloze ikiye atachikijile atelemo nge glove kulivoko. Kaha ikiye atachikijile nge apwile naye. Ikiye atachikijile nge apwile mwanenyi. Ikiye apwilenga nakutala hali ikiye.

<sup>73</sup> Shikaho mukiko ali Kalunga, mukala chisemunuino, atongwele Liuka Lyenyi ha chisemunuino, Mujimbu wa chize chisemunuino. Kaha vakiko vanahase kupwa na jishimbi na kala chuma vakiko vanatondo. Oloze omwo ize ola nayiza, Shipilitu Wajila wa Kalunga, chize chapwile maputukilo avishinganyeka kulovoka kaha kuhanjika hali chize chisemunuino, uze Shipilitu kuhangasana lize liulu. Kaha omwo ikiye mwevwa ou Mujimbu, kuze kakweshi chikungulwilo cha liuka kuya nakuchikwachilila. Nauya nakukatula helu. Kwatela kupwa. Apwa kajila wakuhandunuka. Apwa tengeso yakuhandunuka. Ikiye apwa kwaze, kaha ikiye mwaya nakwivwa kutambakana. “Mikoko jami veji kwivwa Lizu Lyami.”

Nge mthuumwe ambile ngwenyi, Ndumbu walunga Williams, “Kulya cha Mikoko.”

<sup>74</sup> “Mikoko jami veji kwivwa Lizu Lyami. Ngeji kaveshi kuhasa kukavangizako.” Chipwethuhu apwile ngachilihi wakulihana kuliuka, kaha apwile ngachilihi na lijina lyalinene omu atela kupwa. “Omwo mikoko Jami veji kwivwa Lizu Lyami,” eli linapu Lizu, “ngeji kaveshi kuhasa kukavangizako.” Vakiko navaya vene mukwoloka kuli eli Lizu, kaha vanahase kuchilinga. Echi chili nge—nge—nge magnet.

<sup>75</sup> Likumbi limwe, muze mu Indiana, Ngwapwile nakuvatambukila hamwe mangilashi, kaha kwimba kapyololo. Kaha kala muthu kumbata mahina, kaha kuputuka kukomba . . . kufumisa vikavizo vyavo kuvineha mukachi kamavu, vize vyakutewisa vya lize likumbi vinambate nakuhita mulelo. Kaha Ngwapwile nakutambuka hamwe na muthu uze apwile

nakungutwala nakuhita, kaha ikiye ngwenyi, “Tala echi.” Kaha kala muthu kupwa na uvwalo wenyi—wenyi hachitwamo na—helu lyamesa, kutambuka nakuya.

<sup>76</sup> Kunyima okwo, ikiye akwachile mbutawu hali chize. Kaha hano kwiza na kuhichisa manginet yayinene, kaha kumbata kala kakandende kachikkungo kaze vatewile na vize vihanda, jino, kaha kuya nakulovoka. Echi kufula; echi kuholokela muze mulupasa. Kaha apwile wakuyengunuka, hachihanda cheka cha—cha vyamwaza, chumachochimwe, vikungo mokomoko kalachuma vakiko vatungile.

<sup>77</sup> Kaha Ngwemanyine kuze na kutala hali chize, palanga Ngwa—Ngwajimbilishile yami lyavene. Kaha Ngwambile ngwami, “Nguli nakulikomokela chumachimwe.”

Ikiye ngwenyi, “Chuma muka echi, mwane?”

Kaha Ngwambile ngwami, “Ngwamona nge vamwe vaze kaveshi kukasangukako.”

<sup>78</sup> Ikiye ambile ngwenyi, “Eli linapu fwelu, kaha magnet kayeshi kukwata ku fweluko.”

<sup>79</sup> Ngwambile ngwami, “Ngwamono.” Kaha ikiye ngwenyi. . . Kahajino Ngwambile ngwami, “Chamwaza, munatachikiza, *kuli* chihanda cha unengu unatwame haze.”

“Oloze, enu kumona, mwane, chapwile yakukasa na misumali.”

<sup>80</sup> Ngwambile ngwami, “Ngwamono.” Kaha omwo ikiye achimbachile, Ngwambile ngwami, “Jino chasolokele ngachilihi, nge *kuze*?”

<sup>81</sup> Kuhanjika, “Echi chili nakuya nakukukinduluka muze mill kuhingunuka nakuhita mucupola, kaha kwiza nakukinduluka na kutunga liwilo likwavo.”

Ngwambile ngwami, “Mwata va Mwalise!” Mukiko kaha. Talenu?

<sup>82</sup> Kuze kuli magineta yayinene yinatwame muze muutangatanga, muze Kalunga likumbi limwe nalikaya nakukwata minwe Yeni nawa. Naumwe muthu natachikiza lwola Ikiye ali Nakwiza, keshi numba Vangelo va Mwilu, kavatachikijileko. Kalunga ukawenyi atachikiza. Oloze kuze kunapunga mapwevo vamwe vaze vanafumu mu Mbimbiliya, Vakakulishitu va Mbimbiliya, vakakufwelela hali ino ola. Umwe wavo nahase kupwa chikungo kunyima kulikumbi limwe. *Echi* chinahase kupwa chihanda chikwavo. Echi chili nakuya nakupwa na kuyula cha Kalunga chachinene. Oloze navaya nakuyitunga kupwa ndeho ya Kalunga kupwa lutengo lwalunene, kaha kuhingununa cheka nakwingila muvifwanyisa vya Kalunga. Kaha kupwa kaha navaze vapwile vakukwachiwa kumanginet navakavatwala kwilu. Mamalelo, omu. . . Lisesa

kana lyapwa, kutachikiza nge kuli chumachimwe mukusanguka chize chapandama kuli etu!

<sup>83</sup> Jino, talisenu, kutachikiza kusanyika cha Lizu lya Kalunga, ou ikiye ali chihanda. Kaha napu ngonga kupwa ngonga. Jino, kachi uze mama mwatetumuka nge—nge likololo, ikiye kachi katachikijileko. Ikiye napunga vene kanawa muze muchipato. Oloze ikiye apwilenga kutambakana cha ngonga. Kwapwile chuma chimwe mukachi muli uze mukweze wamundende, nge ikiye atachikijile nge ikiye apwilenga kwaze.

<sup>84</sup> Kaha chuma chochimwe na mukakufwelela wamuchano. Omwo chize kunangula cha Lizu lya Kalunga kwiza nakulovoka, kaha kwinjikiza na kwinjikiza nge linapu Lizu lya Kalunga lya ino ola, kahajino kuli Chumachimwe mukachi ka mukakufwelela. Kangwalizakaminako omu ise apwile wakushishika halize liuka, mokomoko omu naye apwile wakushishika, mokomoko na kaka yenyi wapwevo, kaha kachi eli liuka lili nakunangula chakulimbakana na ino ola ya lujimiko lwa Mujimbu wa Shipilitu Wajila. Kuli chumachimwe muli ikiye chize kutambakana. Ikiye mwaya nakuseza chipato. Ikiye atela kuchilinga. Uze kasumbi pamo napunga wakwoloka likumbi limwe, oloze elu lunapu ola ya ngonga. Talenu? Echi—echi chinapu chakuhandunuka. Kuli chumachimwe, chize, ikiye atela kuseza kulinunga chamwaka kaha kutuka nakufuma mu blue. Kahajino ou mujimba wahamavu vali nakuuyoyesa na kunea, hali Shipilitu, kwononoka cha Lizu lya Kalunga.

<sup>85</sup> Jino, omwo ou Shipilitu Wajila, kwimanyinako nge ngonga, kutuka hano hamavu, na kuwana mukakufwelela, “Naumwe muthu mweza kuli Yami, naumwe pimbi mweza kuli Yami kuvangila Ikiye mwatonda, vosena Tata nanguhane Yami navaya nakwiza kuli Yami, oloze naumwe muthu mweza hali lyavene,” echi kacheshi chishinganyeka choveko, kukoka chove, ali Kalunga, kukoka. Talenu? “Vosena Tata nanguhane Yami navaya nakwiza kuli Yami.”

<sup>86</sup> Jino, ou Shipilitu Wajila ali hano hamavu, kutala hali vaze vathu vaze Kalunga atongwele ku Kuyoya muli chino chisemunuino. Kaha haze vene Echi kuwana, Echi nachilingika nge Echi chinalingi hali Yesu Kulishitu, Mwana Kalunga wamunene Uze atusokwele etu vosena. Echi nachiya nakushikumuka na kumbata chihela Chacho chakutwama mukuyoya cha muthu, jino, talisenu, kunea ngolo jakuyoyesa. Jino, jize ngolo jakuyoyesa kwiza hali Yesu amuyoyesele Ikiye kusolola kala lushiko lwa Lizu lya lize likumbi. Shikaho mukiko eji kulinganga Shipilitu Wajila uze ejile hali etu mulikumbi lino, kachi kacheshi kusekeleka shipilitu wajila, kachi kecheshi kusekelaka Shipilitu Wajila, oloze kupwa chamwenemwene, Shipilitu Wajila wa muchano. Echi nachiya nakusolola lushiko lwa ino ola.

<sup>87</sup> Omwo Echi chaholokele hali Luther, Echi chasolokele luze lushiko lwa ola. Omwo Echi chaholokele hali Wesley, Chasolokele ha lushiko lwa ola. Omwo Echi chinaholokela muli lino likumbi, Echi kusoloka lushiko lwa ino ola. Omwo Echi chaholokele hali Mose, Chasolokele ha lushiko lwa ola. Yaholokele hali Nowa, Echi chinasolola lushiko lwa ola. Omwo Echi chaholokela hali Yesu, Echi kusoloka lushiko lwa ola. Talenu?

<sup>88</sup> Ali Shipilitu Wajila kwiza, na kuyoyesa, kulingisa vase vathu kupwa vakutongola kuli Kalunga kupwa mu Kuhukula. Tachikizenu. Echi chili, kachi ikiye napu kwaze wamuchano, ikiye mwaya nakwivwushisa ou Mujimbu wa ola kachi ikiye napu kwaze wamuchano. Jino, ngonga wamundende pamo, muze muchipato, apwile nakulya mwakwoloka, oloze ikiye—ikiye atachikijile nge keshi chakwolokako. Oloze jino omwo ikiye evwile Muchano, kahajino ikiye atambwile Muchano. Jino, muli Yowano 14. . .

<sup>89</sup> Yowano 5:24, mukiko, Yesu ambile ngwenyi, kuhanjika mujila eyi, “Wosena mwevwa Lizu Lyami, na kufwelela hali Ikiye uze angutumine Yami, ali na Kuyoya chahayamyaka namyaka, kaha keshi kukeza kukumupaisako, oloze nahichi mukufwa nengila Mukuyoya.” Shinganyeka omwo chili chachashi, “Wosena mwafwelela.” Jino, jila ya kwoloka ya kuhanjika echi, “Wosena mwevwushisa.”

<sup>90</sup> Jino, enu yenu muno mujila na kuhanjika kuli ou lihule, “Enu mwafwelela?”

“Punduvene.”

“Ove wafwelela Ikiye kupwa Mwana Kalunga?”

“Punduvene.”

“Vava jimikile?”

“Punduvene.”

<sup>91</sup> Yako chitakwa, hanjika, “Ove uli nakwivwa Echi? Ivwa uze mukakunangula kunangula?”

“Yaah.”

“Enu mwafwelela Echi?”

“Punduvene.” Talenu?

<sup>92</sup> Oloze, “Wosena mwevwushisa, ikiye uze atachikiza chihela chenyi muli ino ola, wosena mwevwa Lizu Lyami na kufwelela hali Ikiye uze angutumine Yami, ali nenyi” (aliko) “Kuyoya cha Hayamyaka. Keshi keza Mukusopesako, oloze nahichi lyehi mukufwa nakwingila mu Kuyoya.” Kahajino omwo echi Kuyoya cha Hayamyaka kutwama muli ove, Echi chinapu ngolo, mokomoko kufwila cha enu kupwa wakuyoyesa kufuma ku kuzeneka kupola.

<sup>93</sup> Echa nguhanjike chize cheka. Omwo Eyi Shipilitu yinawane ove, uze muthu ukawenyi, na kwiza hali ove, Echi chinapu ngolo ja uswana wa Hayamyaka uze Kalunga ashinganyekele hali enu kaha kukulingisa ove shimbu kanda chikuku cha kaye. Echi chinapu ngolo jove.

<sup>94</sup> Nge kachi enu namunguhula yami ha mutondo wa muoak, kaha Ngunamihane kupwa wakushoma. Jino, echi—echi—echi chiyoyelo cha mutondo wa muoak uli mu mutondo wachangu, oloze watela kuvandamina palanga kukula.

<sup>95</sup> Shikaho etu. Omwo ove mutambula Shipilitu Wajila wa Kalunga, Echi chinapu ngolo ja Kalunga kuvandamina hali enu, chize vamtachikijile lyehi. Kaha ove vakujika na Shipilitu ya lushiko, lwa Kalunga, mu Mujimba wa Kulishitu. Omwo Kalunga atalile hamavu ha Kavali kaha amwene Yesu kufwa, Ikiye keshi kaha. . . Ikiye afwile hali Mwenga Wenyi, ou Mujimba, eli linapu Lizu Liuka, eli Liuka lyafwelela eli Lizu lya Kalunga lya chisemunuino, chipwe vipundo, mujimba, mutwe, mokomoko kalachuma chosena. Talenu? Echi chili. . . Kulishitu apwile nakuhita manyinga na kufwa. Kaha Kalunga, kutala hali Ikiye, amwene kusanguka Chenyi, kaha Liuka asangukile na Ikiye ha Paseka.

<sup>96</sup> Jino, Ngwatondo enu kupwa hamwe, mwomwo Ngukwechi chumachimwe hano chindende, Ngwatondo kuhanjika, nge Mwata netavila.

<sup>97</sup> Jino talisenu. Echi chinapu kufwila, mokomoko ngolo. Ngolo jakuyoyesa ngolo ja kusanguka chove, omu ove mutambula Shipilitu Wajila, jino mwatwama muli enu, ngolo ja echi.

<sup>98</sup> Talisenu, ove—ove uli jino mujila yove, kusoka mu kusanguka. Kakweshi mutondo kwiza muufuku. Echi chatela kukula, nge etu kukula mu likoji na chinyingi cha Kalunga. Ove vanakujimika muli Shipilitu Wajila. Jino, nge Liuka lya chipendekosita, kujimika muli Shipilitu Wajila, Lyaputukile kukula. Mahinji kufwa. Vakiko vapwile nakuwapamunako. Oloze Mutondo hanga weji kukulila, nautwalilaho lika, mwomwo Watela kwiza kukusanguka.

<sup>99</sup> Vakiko vavatwaminyinyine kuli Shipilitu, kuyoyesa Lizu kuli enu vaze vapwa vakakufwelela. Eli Lizu kutwalilaho washiwashi, nge omu enu namwiza kuchitango chatete, mutango wamuchivali, mutango wamuchitatu, kukanduka. Cheji kutwalilaho kuyoyesa. Eyi Shipilitu ya Kalunga kutwalilaho washiwashi kuli enu.

<sup>100</sup> Tachikizenu echi, Pendekosita, mijimba yavo yapwile yakuyoyesa ha Kuyoya chachihya vakiko vatambwile. Echi cheji kungulingisa yami kwivwa kulifukula. Shinganyeka. Jino, hano hakiko hapwilenga malunga, vakakuta ishi, lizavu lya vakakutambula mitelo, uze pwevo wakulikehesa wa. . . kaha kupwa kaha pwevo lyamuthu, vanyike vmapwevo vajike

vavandende. Vakiko vapwile vakakufwelela. Vakiko vapwile nakufwelela nge ou unapu Muchano. Vakiko vafwelelele chize, omwo Yesu afwile (Vakiko vafwelelele hali Ikiye.) kaha asangukile cheka, kufuma kuvafu, vakiko vafwelelele nge kupwa unjiho wa Kalunga, nge Ikiye amuyoyesele Ikiye kupwa kuyoya.

<sup>101</sup> Jino, vakiko kuya, ku Likumbi lya Pendekosita, kutambula kusoloka chavo. Munatachikiza chuma chakufuma kusoloka? Chili omu vilinga navifuma. Vakiko kuya kuze nakutambula lushiko lwavo. Kaha vakiko vejile nakupwa vakuyoyesa, mokomoko kutuva kana! Vakiko valanjile lize lifuchi; vavalanjile vakiko. Vakiko vatambwile echi.

<sup>102</sup> Ou unapu muchano mokomoko nduma? “Etu twamumono Ikiye kukatuka, oloze jino ngachilihi etu? Etu twapwa vinjiho. Etu tunemana na kumona Lunga vamusukikile. Etu twamono mavwe kwiza hamavu na kwilava mwilu. Kaha aze—aze mavu amunyikishile kaha kunyikisa; chapwile na kusoloka. Kahajino omwo. . . Vakiko vamuhakile Ikiye muze muchimbumbwe. Vakiko kumunyengetesha Ikiye mukachi ka muchima, na likunga, kaha vakiko vambachile mujimba Wenyi hamavu na kuchihaka muze muchimbumbwe cha Yosefwa waku Arimathea.”

<sup>103</sup> Kaha jino vakiko vawanyine nge, nge, ha likumbi lya muchitatu, Ikiye asangukile cheka. Kaha nge tumbaji vahanjikile, “Etu tuli vinjiho ja echi. Etu twamumono Ikiye kukatuka. Etu tunatachikiza Ikiye ayoya.”

<sup>104</sup> Jino chuma muka chalingikile? Chize chambachile woma wosena. Shikangaho Yesu ambile ngwenyi, “Kanda kwivwa womako. Yami Vene uze apwile wakufwa, kaha ayoya haya myaka.” Talenu? Echi chinambate woma wosena, omwo vakiko valingile ngachize.

<sup>105</sup> Jino, oloze omwo vakiko vapwile ku Pendekosita, kuze vakiko vanatambula ngolo jakuyoyesa, ngolo jize jalingishile kupwa wamutonyi.

<sup>106</sup> Jino kuze kukiko Ngwashinganyeka chize, enu va Pulishiteliyani na vandumbwetu va Mesondisiti, ove watela kutambula vene kufwelela hali Mwata Yesu Kulishitu, oloze lushiko kanda lyehi lwizenga. Chize kupwa nakujima vilinga.

<sup>107</sup> Kalunga ahanyine Apalahama lushiko. Apalahama afwelelele Kalunga, kaha vamufulukilile cho kupwa chakwoloka. Oloze Ikiye ajikile chivwasano ha katachikijilo ka kwalama.

<sup>108</sup> Kaha Kalunga kukuhana lushiko, kukuputuka, nge ove muya nakutambula echi, kaha ove uli nakuya nakupwa wakusanguka, ou mujimba nauya nakupwa wakutohwesa na Ikiye mulwola lwamakumishilo. Oloze, mwamono, enu mwatela kupwa na hatoma to ha vilinga. Kaha kukumisa kuvangila kalachuma chosena chakufumbukila kuchifumisa, kaha enu

kupwa na lushiko lwachize. Ove ukwechi katachikijilo. Chapwa chove. Vyuma vyosena vyapandama kuli ove. Amena.

<sup>109</sup> Kaha omwo etu twafwelela hali Yesu Kulishitu kupwa Mulwilo wetu, na kwalumuka nakupihilila na kupwa vakujimika, kaha kwiza na kufwelela Ikiye; Kalunga atachikijile kupihilila na kwalumuka na lufwelelo kuli Ikiye, kaha kutuma lushiko. Kaha kusoloka chinapu kukunyuka. Chinapu chakuhana, kalachuma chosena chakufumbukila enu, enu kulikonekela kanawa. Haleluya! Kaha luheto kutohwa, kaha enu kukwata luze lushiko kupwa chakukunyukisa.

<sup>110</sup> Echa mthuumwe kweseka kumifumisa mulifuchi, kuhanjika ikiye apandama, kaha enu na chakufuma mulivoko lyove. Echa ikiye kweseka kuchilinga. Kakweshi lushimbi muno mulifuchi chinahase kulinga echi, mwomwo ove weji kukwata chize.

<sup>111</sup> Kaha kuze kakweshi liyavolo, kakweshi liuka, mokomoko kala kutanga chauthu, chize chinahase kupwa chakukafwa kwinjikiza cha Kalunga na kusoloka, nge kujimika cha Shipilitu Wajila chinatachikiza etu muli Yesu Kulishitu. Etu tuli kaha vakukunyuka kusangula nge omu Ikiye asangukile, mwomwo vene etu vanatukulisa lyehi muli Ikiye. Amena.

<sup>112</sup> Vize vyuma vyamwaka... Chumamuka cheji kulinganga mijimba yetu? Echi kwalumuna kujina chetu, kwalumuna vishinganyeka vyetu. Echi chinapu kufwila chetu ha vyuma vize vya Helu. Kaha kunwa makanya, kunwa wala, kusekasana chawiji, vyuma vize ove wapwilenga nakulinga, shina kufwa. Echi chili mwishi ya ove.

<sup>113</sup> Kaha ove unapu wakuyoyesa. Kaha eji ngolo jakuyoyesa kuneha mujimba wove muli eyi seteko ya kuhukula, ali lyehi. Tachikizenu vathu va chipendekosita kuze, omwo vakiko vayoyesele na Shipilitu Wajila. Ivwililenu kuli yami. Omwo lize lizavu lya chipendekosita kuze, ha Likumbi lya Pendekosita, kutambula kusoloka chavo kufuma kuli Kalunga, punduvene, chatohwesele myono yavo. Vakiko vatambakanyine. Vakiko vamwene malimi a Kakahya kuhandunuka hali umwe wavo. Kaha chayoyesele mijimba yavo, palanga vakiko kavahashile numba kuhanjika mulilimi lya mavu chekako. Echi chayoyesa mujimba ku lilimi lya Mwilu, chihela vakiko vali nakuya. Ngolo ja Kalunga jakuyoyesa mijimba yavo yauthu shikaho, palanga lilimi lyauthu kulyalumuna, kulyalumuna nakupwa lilimi lyauthu. Ngolo kana jakuyoyesa! Chumamuka? Chumachimwe chize chapandama.

<sup>114</sup> “Kachi eyi Shipilitu ize yamusangwile Yesu kufuma mukufwa, yatwama mumijimba yenu, Echi nachiya nawa nakuyoyesa mijimba yenu.” Etu twayoyelanga jino ha ngolo ja Kalunga wakuyoya.

<sup>115</sup> Malimi, kupwa nakuyoyesa lilimi lyalihya lya Mwilu, kuhanjika kuli vakiko; kuhukula, kukanduka nakwingila muze muutangatanga kuhambakana chuma vakiko vayoyelenga. Nawa, na Kuyoya chachihya kuli vakiko, vaze vejile nakwingila muli vakiko, Echi chayoyesele lilimi lyavo. Vakiko vahanjikile mumalimi amahya. Mamalelo, eyo!

<sup>116</sup> Jino tala hali vakiko. Echi vachitungile vakiko, hanyima ya chakufuma kuli echi, vachitungile kuvahana kala lushiko luze lwapwilenga hano hamavu. Kala lushiko ha mavu a Lizu lya Kalunga, lize vashikile mu Mbimbiliya, jize ngolo jakuyoyesa yapwile yakuhana kuli vakiko, kuyoyesa luze lushiko kuli vakiko. Shikangaho, vakiko navakahaka mavoko hali vakakuviza, vakiko vahindukile. Vakiko vahanjikile mumalimi amahya. Vakiko valingile vinjikizo vyavinene na vikomwesa, mwomwo chize chapwilenga mu lushiko lwa Kalunga. Kaha omwo Yesu afwile, nakusokola chize kunyima kuli vakiko, chihela chize chakupandama kuli vana va Kalunga, Ikiye asolwele chumamuka Kalunga apwilenga.

<sup>117</sup> Omu etu twatonda kulikata na chize kaha kuhaka na kwingila mulizavu? Etu katweshi na malisesa akulinga ngachizeko.

<sup>118</sup> Ou napu Shipilitu Wajila, lelo, kuhanzasana michima wakushishika uze mwaya nakufwelela nge Mujimbu. Vyuma vyosena mu Mbimbiliya, vize vashikile, kupwa vakakufwelela. Kaha omwo ove mwitavila echi mukuzalilila chacho, kaha Kalunga atachikiza nge ove muya nakuchilinga, Ikiye kukuhana ove lushiko lwa chize. Kaha jino kala lushiko luze valingile muluheto lwove, kaha Shipilitu Wajila kuze kuyoyesa chize muli ove. Mamalelo, yami! Chumamuka—chumamuka vathu vatela kupwa? Omu chawaha kumona Shipilitu Wajila wa Kalunga wamunene hano kulinga jize ngolo! Shinganyeka hali echi. Omwo, ou Shipilitu Wajila Ivene, hano na kusema cha ino ola. Yesu ahanjikile ngocho. Ikiye youmwe zau, lelo, na hayamyaka.

Omu kala muthu kufumisako chize Kuze?

<sup>119</sup> “Eyi milimo Nguli nakulinga namukaya nakuyilinga nawa,” Yowano 14:12. “Evi vinjikizo navikakavangiza vaze vakakufwelela.” Chize chikiko kukunyuka. Omwo etu natumona lizavu lya vathu kutwama hamwe, kaha vize vinjikizo kulisolola vavene, chize kupwa kukunyuka cha lushiko kupwa lwa kwinjikiza nge kupwa luheto lwa Kalunga. Amena.

<sup>120</sup> Shikaho, etu twapwa vaka Paseka, nawa. Amena. Etu tuli jino mu Paseka yetu. Etu tunasanguka lyehe, haleluya, kufuma kuvyuma vya kaye, kuvyuma vya lushiko lwa Kalunga. Keshi etu natuya; etu tuli. Echi chinapu ngolo.

<sup>121</sup> Lunapu lushiko lwa Kalunga. Ikiye mwakaya nakuhingununa Shipilitu Yenye mumakumbi akumakumishilo, kaha omu mukiko vakiko navaya nakulinga. Talisenu, kuhaka

mavoko avo hali vakakuviza; vyuma vyosena vize vyapwilenga mu lushiko lwa Kalunga. “Nanguya nakuhingununa Shipilitu Yami mumakumbi akumakumishilo, hali vakwechi mijimba vosena. Vakulwane jenu vamaalunga navakalota vilota. Vakweze jenu vamaalunga navakaya nakumona vimweno.” Kaha jishiko josena eji Ikiye atungile, vyuma vyosena vili muze mu lushiko lwa Kalunga. Yesu asokwele etu. Kaha omwo etu natwiza nakupwa . . .

<sup>122</sup> Mokokoko, etu, kachi etu vatutongwele hali lize mavu, kachi etu vatutongwele kupwa hamavu; nge ngonga kutambuka muuswa wa kasumbi. Kachi ove vanakutongola haze hamavu, ou Shipilitu Wajila ali hano kukuwana ove. Kaha omwo Echi nachikuwana, enu munatachikiza kusanyika Chenyi. Munatachikiza ola ove uli nakuyoya. Munatachikiza vyuma kana vyatela kusoloka. Washi ove vanakuhukula kuliwana na Echi, kaha jino enu mwatwama muvihela vya Mumelu muli Kulishitu Yesu. Mamalelo, lushiko kana! Chuma muka Tata wa Mwilu, Uze natuhane etu vyuma kana!

<sup>123</sup> Ou Shipilitu vakiko kuyoyesa kulikata chavo na Kalunga, shikaho vakiko kusanyika kufwa kunyima ya kuyoya, muli lize likumbi. Vakiko vahakile mijimba yavo hali vafu; vakiko vejile kukuyoya. Iwulilenu kanawa. Vakiko valingile chuma chochimwe chize Yesu alingile mwomwo Shipilitu youmwe, yapwile hali Ikiye, yapwile hali vakiko. Kachi Shipilitu yimwe nayilingisa muthu kulinga mujila kana, yeji kulingisa umwe kuzata mujila kana. Kachi umwe . . .

<sup>124</sup> Kaha Echi nachiza ngachilihi, kuhanjika ikiye akwechi Shipilitu ya Kalunga, kaha kukana milimo ya Kalunga? Keshi kuhasa kuchilingako.

<sup>125</sup> Talisenu. Kuyoya cha Kalunga, chili mu Greek vavuluka Zoe, kutambuka nakuhita muli vakiko, kuyoyesa vishinganyeka vyavo ku Lizu Lyenyi. Jino, echa nguhanjike echi mukupwola jino. Eyi Shipilitu ya Kalunga yeji kutambuka mukachi kavathu, kuyoyesa vishinganyeka vya muthu ku lushiko lwa Kalunga. Talenu? Echi nachilingika. Tala. Kaha Nguli nakweseka kumilwekesa enu nge—nge. . . kaha echa enu mutachikize nge Nguli nakuhanjika jino ha Liuka, kaha nawa kuyoyesa ku Kuyoya, muli Ikiye.

<sup>126</sup> Chipwethuhu, vakiko vapwile kaha vilinga Vyenyi, kukuputuka. Oloze kachi Kalunga ahanjikile, “Mulikumbi lino,” kunyima kukuputuka, “John Doe mwaya nakupwa ngamba Yami,” jimiliyoni ja myaka kunyima okwo. Jino, John Doe nasemuka mushili, wakusongolola mu upapwoke, kwiza kukaye nakuhanjika makuli, mwomwo ikiye napu muthu. Oloze, pamo, ikiye mwapwa na kwivwa cha kulifukula chachindende. Ikiye mwaya nakulinunga na liuka. Pamo ikiye mwaya nakulinunga na liuka lya Pendekosita. Vanahono

kutachikiza. Ikiye nahase kulinunga kalachuma. Oloze echa ikiye apwenga mwishi ya kuyoya cha Kalunga, lwola lumwe. Talenu? John Doe ali wakukashiwa kutachikiza Hiya Tata yenyi, kupwa kaha nge ngonga atachikijile hiya naye apwilenga hiya. Echi chatela kutachikiza echi. Talenu? Kuvangila, nge John Doe napu chuma chakufuma kuli Kalunga uze ejile nakupwa lizu, kuhanjika, kaha jino Shipilitu Wajila kumona lize lizu kulovoka. Hano echi chili. Ikiye amusanyikile ikiye, kumuhana Kuyoya cha hayamyaka, kaha kumuneha Kumeso a Kalunga, Lizu lya Kalunga.

<sup>127</sup> Tala. Kalunga apwile youmwe omwo Ikiye amwene Yesu. Echi chapwile—echi chapwile mulimo wakukuma lyehi uze Kalunga akumishile na Yesu, omwo Ikiye ahanjikile ngwenyi, “Echi chinakumu.” Punga yosena yakumine.

<sup>128</sup> Kaha omwo Shipilitu ya Kalunga kwiza hali enu, kaha enu muli vene tengeso ya Kalunga ize Ikiye ahanjikile. . . Jino, kachi ove kaweshi ko, ove muya nakulikomokela na kutwalilaho, kaha kupwa *hano* na *haze*, kaha vyuma vyosena nawa, kaha kanda lyehi ezenga ku chinyingi cha Muchano. [Hatepu hapimbi—Muka.] Kachi ove uli umwe wavo, vyuma vyamwaka navihita washu, talenu, kaha ove mwiza nakupwa chachihya, kaha pungu ya ulwilo naukakuma. Ove uli wakulizanga kwononoka kala Lizu lize Kalunga ahanjikile hali ove, talenu, mwomwo ove kulinga. Ove unapu wakwimana ku Lizu Lyenyi. Chize chivwasano, mukiko vene, luze lushiko lwa chivwasano, lize lisesa kupwa lwove. Mikuli yosena vanayifwete. Echi chili kwosena, kaha omu chapwile ha Likumbi lya Pendekosita.

<sup>129</sup> Jino echa tutalenu washiwashi, eyi Shipilitu jakuyoyesa hali vathu veka.

<sup>130</sup> Jino, Nangukulweka Kangweshi kuhanjika chikumako, kaha Ngukwechi minyutu twende kulama lizu lyami, kachi Nangulinga echi, talisenu, kulama mulwola muka Ngwahanjikile, pamo—ha ola.

Talisenu jino echi ngolo jakuyoyesa. Chize chejile kaha. . .

<sup>131</sup> Jino, kuze kuli kutoleka hali Echi. Kuze kuli vathu vavavulu vaze vene veji kushinganyekanga nge vakiko vakwechi Echi, omu vakiko kaveshi kuhasako. Vathu vavavulu veji kulinga ngachize mwomwo vakiko vakwechi tambo jakulyonga hachuma vanamono vakwavo Vakulishitu kulinga. Satana nahase kulifwanyisa kala chize. Etu tunatachikiza chize. Kaha nge kamishonali, enu munahase kumona kulifwanyisa: kutambakana, kukina, kuhanjika mumalimi, vyuma vyosena. Enu munahase kumona kulifwanyisa kwosena. Mukikovene. Mukachi ka vakakuzeneka kutachikiza kalunga kaha vathu vaze veji kukananga chuma chimwe nge Yesu Kulishitu kupwa Mwana Kalunga. Talenu? Kaha vakiko valingile vyuma vyosena, vavene.

<sup>132</sup> Oloze chamwenemwene, Shipilitu wamuchano kuyoyesa chize kwiza nakupwa mukakufwelela, kuyoyesa ikiye mu Lizu lya Kalunga, echi kukinduluka ku Kulya cha ngonga cheka, kukinduluka cheka kuze ikiye ayoya. “Muthu keshi kayoyela ha mbolo kahako, oloze hakala Lizu lize nalilovoka mukanwa ka Kalunga.”

<sup>133</sup> Echa etu jino tutalise eyi Shipilitu jakuyoyesa nge omu Chejile hali vathu veka, nge omu Chalingikile ha—ha Likumbi lya Pendekosita.

<sup>134</sup> Echa tutale Pendekosita, omu vakiko valingile, kaha talenu kachi vakiko vavayoyesele na ngolo jakuyoyesa nge etu tuli nakuhanjikaho. Ha Likumbi lya Pendekosita, vakiko vosena vapwile nakuvandamina kuze. Muli vavene, vakiko vapwile na woma. Va Yuleya, chuma kaha vakiko vapwile nakuya nakulinga, shikaho vakiko vapwile na woma. Oloze chumamuka chasolokele? Omu jize ngolo jakuyoyesa kuholoka kufuma Mwilu, kuze kwapwilenga mbundu vatwamine hali vakiko. Kwapwile chuma chimwe, kwivwushisa, chize vakiko vahonenenga kupwa vakukunyuka hali echi jiola jajindende shimbu kanda. Vakiko vatachikijile Ikiye apwilenga—Ikiye afwile.

<sup>135</sup> Vakiko kutachikiza Ikiye nasanguka. Vakiko vahanjikile kuli Ikiye mujila. “Oloze chize chapwile chuma cha vakiko, mokomoko chapwile cha vakiko, hali Yesu Lyavene?”

<sup>136</sup> Oloze hano ha Likumbi lya Pendekosita, Shipilitu Wajila, kusoloka hali vakakufwelela. Chize chavalingishile chihanda cha kusanguka Chenyi, kumulingisa ikiye kupwa chihanda cha kulikata Chenyi. Ou Shipilitu Wajila ejile na kwinjikiza kuli vakiko nge vakiko navaya nakukatuka, mwomwo vakiko vapwile vakukulisa, kufuma muli vakawoma nakupwa malunga vakuhamuka.

<sup>137</sup> Vakiko vapwile—vakiko vapwile nawoma wa Lizu lize vakiko vashinganyekele. Kanda kwecha echi chihite hali enuko. Vakiko vapwile nawoma. Vakiko vatachikijile nge Ikiye apwilenga lize Lizu.

<sup>138</sup> Numba va Yuleya vatelele kwitavila echi. Yikotemu ambile ngwenyi, “Lapi, etu tunatachikiza nge Ove unapu mulongeshi wakufuma kuli Kalunga. Naumwe muthu ahashile kulinga vyuma Ove uli nakulinga kuvangila Kalunga ali na ikiye. Jino, etu tunatachikiza chize. Etu tunatachikiza chize.”

<sup>139</sup> Shikaho tumbaji. . . Petulu nalishingi Kumeso Eyi. Vosena muli vakiko vanamuseze Ikiye ha kusukika.

<sup>140</sup> Oloze hano vakiko vali jino muze mukapete kahelu, Kumeso a Kalunga. Kahajino, kukasumuka kaha, hano kwejile Shipilitu Wajila kufuma Mwilu, kaha Chavayoyesele. Kaha chize kuyoyesa chasolokele, vakiko kavapwilenga nawomako kulingisa chinjiho cha Mujumbu nge vakiko vafwelela kaha

kutachikiza kupwa Muchano. Mujila ikwavo, vakiko vapwile nawoma wa Echi.

<sup>141</sup> Vangahi va Pulishiteliyani, vangahi va Mesondisiti, vangahi va Mbaputishiti, muno mukaye lelo, vangahi va Pendekosita, vaze vanatachikiza Muchano na woma kwimana hali Chize? Ngunapu wakukunyuka kulikomokela, chumamuka chize chaholokele hali enu? Ove uli chihanda cha kusanguka Chenyi? Ove unahase kutambakana ha chinyingi cha muthu na chishinganyeka? Mokokoko, ove kupwa nakuhamuka chivene kaha na—na umwenemwene wamuthu walunga, kwimana na kusanyika chakwoloka “chakwoloka,” na kuhenga “chakuhenga”? Ove unapu chihanda cha kusanguka Chenyi, mokokoko ove unapu mukakulifukula wa lizavu lya jishimbi? Ove wapwa mukakuya kuliuka, ove ukwechi lijina lyove haze, kaha kufwa mushili na kuzombojoka jishimbi?

Wosena mwahona kufwelela kuzalilila cha Lizu lya Kalunga napu mukashili.

<sup>142</sup> Vaze va Fwaliseu vafwelelele muvyuma vyavivulu, kupwa Muchano. Vakiko vambile ngwavo, “Etu twapwa vana va Kalunga.” Kaha vakiko vapwile, palanga lize Lizu valinangula. Oloze omwo lize Lizu valinangula na kwinjikiza, kahajino vakiko vejile nakupwa vakashili, mwomwo kukana Chuma chize vakiko vatachikijile chapwilenga chakwoloka, kaha kwinjikiza chize. “Etu tunatachikiza Ove wapwa u mulongeshi wakufuma kuli Kalunga, mwomwo naumwe muthu nahase kulinga vyuma kana Ove uli nakulinga chakuzeneka Kalunga kupwa na Ove.”

<sup>143</sup> Ngwalikomokela lelo, tuli kulihi? Ngwamilombo enu. Nyi echi kusanguka chili kulihi? Ove uli nakutuhana nakulovoka? Ove unahase kumbata Kalunga ha Lizu Lyenyi? Kachi ove vanakutongola ku Kuyoya, ove muya vene nakuchilinga. Kachi ove wapwa kwaze, ove kaweshi kuhasa kukafwa echi, kuli Chumachimwe muli ove. Mokokoko, enu munatondo kuzachila jishimbi jauthu kumwe, kuhanjika, “Nanguya kuliuka. Nguli kaha wamwaza nge omu uli”? Talenu? Kachi enu mukwechi utwatwa, enu kamweshi kuhasa kumona echiko, enu kamweshi kuhasa kumona echiko. Oloze kachi enu namukwata luheto lwa lisesa lyakusemuka, enu kamweshi kuhasa kuchikafwako, mwomwo chinapu chihanda cha ove kaha ove unapu chihanda cha echi.

<sup>144</sup> Kaha Nangukana ngachilihi mama uze nanguhane yami kusemuka? Kaha Nangukana Ngachilihi tata, nge manyinga eyi ivene muli yami? Nachipwa ngachilihi Nangukana Charles Branham kuhona kupwa tata yami? Kangweshi kuhasa kuchilingako. Nguli wakulizanga kwimana kutoleka chenyi mokokoko kalachuma nawa, mwomwo Ngwapwa mwa nenyi. Haleluya!

<sup>145</sup> Kahajino hakupwa mwana Kalunga, kaha Ikiye apwilenga Lizu lya Kalunga, nangukana Ngachilihi eyi Mbimbiliya kupwa Muchano, nge Yesu Kulishitu keshi youmwe zau, lelo, na hayamyaka? Kaha kumona ola ize etu tuli nakuyoyelamo, etu twatondo Paseka mu liuka. Kusanguka! Etu twatondo kusanguka, na ngolo ja lufwelelo, malunga na mapwevo kwimana ha chize kwinjikiza cha Lizu lya Kalunga.

<sup>146</sup> Kuhanjika, “Chamwaza, etu tukwechi Ukweze wetu wa Kulishitu.” Echi chosena chakwoloka. “Liuka lyetu lili na kuliwana. Etu twatondo *chikuma* mamembala vavavulu.” Chuma chachipi halichize chauchi. Chize chili chakwoloka. Oloze chize chili kaha kuyoya chakujinguluka. Chize chinahase kupwa mangona a kasumbi. Oloze kachi ove muya nakuyoya muchiyoyelo chakwoloka kuze, echi nachiya nakutoteka ngonga kachi ove unapu liulu lya ngonga. Kaha kachi ove vakutongola kuli Kalunga kumona echi, ove kaweshi kuhasa kukafwa kufuma kumona echiko, ove uli nakwiza mukusanguka. Omu mukiko mujila Mbaputishiti asemukile, omu mukiko mujila Mesondisiti asemukile, mukusanguka cha lize likumbi, oloze vakiko valumukile nakupwa kasumbi kachi vapwenga ngonga.

<sup>147</sup> Nge omu Ngwahanjikanga keshi hanyima chikumako, kuya nakushikumuka kufuma ku Tucson, Ngwatalile ha chuma chaungeji. Ngunamono chiselele natwame hatambo kuze. Uze chiselele najimbalisa katachikijilo kenyi. Echi chapwilenga kajila wakushisaho kuli ngonga. Echi kacheshi kuhasa kukavangiza ngonga; nduma, ha kulumbununa chauchi. Kakweshi chuma chinahase kukavangiza ngonga. Oloze ikiye apwilenga chiselele.

<sup>148</sup> Kulishitu napu Kwaze, kaha liuka lyatela kupwa na chiselele. Vakiko vanahase kutuka helu kuhambakana tujila vakwavo. Oloze uze chiselele neza nakupwa wamuvwovu. Najimbalisa katachikijilo. Ikiye kutwama hatambo yashinga na kuvandamina mbwanda wakufwa. Ikiye kutambuka nge likuvi, kachi kutuka nge chiselele.

<sup>149</sup> Mamalelo, ndumbwami walunga, ndumbu wapwevo, enu vathu va Chipendekosita, vase vanapu vathu jami vamwaza! Eli liuka yina jimbalisa katachikijilo. Echi chili nakwiza nakushikumuka na kukundamina ha jishimbi ja kufwa, kachi kutuka Mwilu, kuze, ha mana yituta.

<sup>150</sup> Uze chiselele apwilenga nakuhanga kulya chenyi, oloze lelo ikiye kumbata ize jimotoke kuhita vize makuvi navalya. Ikiye eji kutambuka nge umwe. Ikiye asoloka nge umwe.

<sup>151</sup> Etu shikaho kulilenga etu vavene muno mukaye kakutona, mapwevo jetu kuteula jikambu, na kuvwala jiputula, malunga vetu kaveshi najinyima jakuhasa kwimana mukamenga kaha kwambulula muchano. Etu twashimbula chikuma kupwa vavavwovu ha Lizu.

<sup>152</sup> Ove Kalunga, tuma Shipilitu Wajila na kutala hali vakiko va ngonga kumwe, wakulizanga kwimana kuze, chipwethuhu nachitondeka ika, uze mwaya nakutuka nakuya muze mwakuhona kutachikiza, keshi kutwama hajishinga na kutala ha kutanga cha shikola ya Chalumingo kwiza nakwingila. Echa ngupwenga na Lizu, kaha chituta cha ngolo na kusolola cha Shipilitu Wajila. Etu twatondo Paseka, kusanguka echi chinapu ngolo. Sepa lyami, kachi ove unasuuluka na matemba a kaye, kuli chumachimwe chakuhenga.

<sup>153</sup> Ndumbwami wapwevo, ndumbwami walunga, echa nguhanjike kuli ove, echi, mu woma wa ukalunga, kutachikiza nge Pamo kanda kuyoya nakumona Paseka cheka. Oloze kuli chuma chimwe punduvene, omwo chapwa chamwenemwene mwana walunga wakutongwele kuli Kalunga, ha Lizu lya Kalunga, iwwililenu lize Lizu lya Kalunga, ikiye mwaya nakukatuka na kuya nakuliwana na Echi. Echi chinapu ngolo, nge ikiye mwaya nakuliwana na Lizu lya kuyoya livene. Nge Ikiye apwilenga, Mwenga mwaya nakuliwana na Samwenga. Ikiye napu chihanda cha Mujimba Wenyi.

<sup>154</sup> Talisenu, kachi etu, etu tuli nakujimbalisa kusoloka chetu. Etu tuneza ha Chitatu naufuku, etu vanwe. Veka kutwama hemo na kutala *Hiya Azanga Susie*, chisanji chamivwimbimbi, vyuma vyosena vya kaye, vyosena vyakusehesa, kumilama enu kufuma muliuka. Kushimbula etu tunajimbalisa.

<sup>155</sup> Kutangisa chetu, mashikola etu, kumbata lizavu lya Rickys na kutanga chosena, kaha—kaha wakusuuluka na vyuma vyosena muliuka, kumbata chihela cha kuliwana cha kulomba. Etu twambachile kuvwala na kweseka kuzalishiwa chuma chakutona kweseka kulinga, kuvaneha nakwingila. Enu kamweshi kuhasa kuvangalanyako kuli chize. Vakiko kupwa na chize chikuma kuhambakana ovyo mukwechi. Ove kaweshi nakusekasana hamavu oveko. . . hamavu avo. Echa vakiko vezenga nakupwa chove, kuze kuli lujimiko lwamwenemwene kumunyika, kuze kuli ngolo jamwenemwene ja kusanguka. Kanda kweseka kutunga liuka nge lyavo. Kanda kweseka kupwa na kafunga nge ngachizeko. Kanda kweseka kulinga *echiko, chize, chikwavo*, mokomoko kulinunga na kaye. Vakiko kumunyika na Hollywood.

<sup>156</sup> Uze Mujimbu uvene kuvyakuma na ngolo. Vaze vangonga kwivwa chize. Vakiko kavatala hakumwinyika. Vakiko kutala hakuvyakuma. Kuvyakuma na kulikehesa, kuvyakuma na zangi, kuvyakuma na ngolo, uze ikiye ngonga ivene eji kuhangasananga. Ove kaweshi kuhasa kupala muchisete nakumusuulwisa. Ikiye kanda lyehi apwenga wakulinga ngachize. Ove kaweshi kuhasa kumulweka ikiye, mwomwo ikiye kafwelela chizeko.

<sup>157</sup> Echa eli Lizu kutambakana kufuma mwilu, “Yami Vene uze

apwile wakufwa, kaha ayoya cheka,” chumachimwe kusoloka. “Yami youmwe zau, lelo, na hayamyaka. Kaha nachikasoloka kumakumbi akukuminyina, Nanguya nakuhingununa amilyavene hali vakwechi mijimba vosena.” Upahu kuli Kalunga! “Nanguya nakuyoyesa lilimi. Nanguya nakuyoyesa malimi enu. Nanguya nakumihana chinjikizo nge Nguli nakuya nakuneha ove mukusanguka na Yami.” Vangonga vamichima ili nazala kuya nakutambula chize vanahase. Echi chinapu Pela ya ndando yayinene, ize yeji kulanjisanga vyuma vyosena, kuya nakulanda. Amena.

158 Kalunga atukafweko, sepa. Mauka etu ali nakujimbalisa katachikijilo kavo.

Echa washiwashi jino kuya kuli vamwe.

159 Tala vilinga vya vaze tumbaji, kwivwa woma. Vakiko vatachikijile Yesu kupwa Muchano, oloze, mwamono, Chapwile chakulimbalaka na chishinganyeka chapuho, kulifukula chapuho cha ola, chize kulifukula chivene, Sala- . . . Fwaliseu, Sanduke, na vyangocho, kulifukula chavo, na vikungulwilo. Vakiko vapwile—vakiko vapwile vakufumbukila chize “kuzaluka.” Oloze Yesu apwile Lizu lya kwinjikiza.

160 Kaha Yesu apwa Shipilitu Wajila, muli Shipilitu. “Shimbu yayindende kaha kaye kakeshi Kungumonako chekako. Enu namukaya Nakungumona,” keshi mujimbako; chize Kuyoya chize chapwilenga muli Ikiye. Kalunga napu ha Liuka, kusanyika vana nge omu Ikiye alingile jino, kwononoka.

161 “Ngweji kulinga lwola lwosena chize nachivwisa kuwaha Tata Yami. Hiya muli enu mwanguhana mulonga Yami wa shili?” Mujila ikwavo, *shili* yinapu “kuzeneka kufwelela.” “Chuma muka eli Lizu linahanjika hali Yami, nge Kangwalingile?” Haze hakiko chili. “Ngulweke Yami omu Lizu lyahanjika nge Nanguya nakulinga, chize Kangwahashile kulingako. Umwe nahase kunguhana mulonga Yami? Hiya nahase kuhaka minwe hali Yami, kaha kuhanjika nge Kangwazalishiwe Lizu lya Tata Yami ko?” Mamalelo, omwo liuka lya Chipendekosita naliheta haze haseteko! “Hiya nahase kunguhana mulonga Yami kuzeneka kufwelela?”

162 Mamalelo, Vakakulishitu, kavasoloka nge chiseleleko, oloze ngonga. Uze chiselele apwa wamuvwovu, naliya nakushikumuka. Enu kamweshi kamona ngonga kulinga chizeko. Ikiye keshi kuhasa kuchilingako. Ikiye anyanga kulya chenyi, kufuma muusombo. Kalunga amuwahishile ikiye mangana ikiye ahase kumona echi. Ikiye eji kumbata mana yituta, keshi chumachimwe chize afwile.

163 Mu Hepelewu, omwo vakiko kuzauka mupambo, vakiko valile, kweseka kulya mana ya kufwa. Nalipwa chimbwetengele. Lyapwile na—na kupwa na tumbilumbilu. Munatachikiza omu

twatwale. Chili kaha chosena chakupihya, kupola. Mavunu muwakiko.

<sup>164</sup> Mwomwoika Nangulya kulya chize chinapunga cha kufwa myaka yakunyima? Echi chinahase kupwa muchifwanyisa na chifwanyisa, oloze keshi chitutako. Etu twatela kumbata kulya kala chisemunuino, chachihya. Shikaho mukiko ngonga eji kutala hali chize kulya, chisemunuino chosena, nge omu tuli muungeji wetu. Tachikizenu.

<sup>165</sup> Jino echa tumbate vathu vamwe cheka. Echa tumbate tupolofweto vamwe mu Tesitamende Yamwaka, talenu chuma vakiko valingile.

<sup>166</sup> Echa tutale chatete kuli Setefani, omu Setefani mukachi ka eyi Kasulu ya Sunandeleni. Omwo ize kasulu yamunehele ikiye kuze, chize kukunguluka chachinene cha vakakufwelela kuze, mokomoko kupwa vakakufwelela, amunehele ikiye na kweseka kumupaisa ikiye. “Mwomwoika,” ikiye ambile ngwenyi, “enu vakukakama jishingo, vakwechi muchima namatwitwi akuzeneka kwalama, enu lwola lwosena kulikanga Shipilitu Wajila.” Chize chinapu Kuyoya cha Hayamyaka. “Nge omu masenu valingile kuhichila muli tupolofweto, shikaho mukiko ove uli nakulinga lelo.” Kaha vakiko vamumbilile na mazo avo. Vakiko kavatondele kwivwa chizeko. Ikiye apwilenga wakufumbukila jishimbi javo. Ikiye apwilenga wakufumbukila chikungulwilo chavo. Kaha vakiko vashile malolwa muthu ha kufwa. Kaha ikiye azundwile mavoko eyi kwilu, kutala Mwilu, kuhanjika, “Ngwamono melu asokoloka, kaha Yesu nemana kusali ya chilyo.” Mwomwoika? Ikiye apwilenga na kusanguka, ngolo jakuyoyesa muli ikiye, uze ambachile ikiye kupwa mu chikuku cha Yesu.

<sup>167</sup> Tachikizenu, washiwashi jino. Tala hali Fwilipu, muze mukuhizumuka chachinene. Kupwa na kuhizumuka kuze chinapunga chamwaza kuli kala muthu, mwomwoika, kachi ikiye apwile na kuzachila hamwe mukachi ka mauka na vyuma vyosena kuze. Apwile kupwa nakuhizumuka chachinene. Kaha ngolo ja Kalunga jahanjikile kuli ikiye, ngwenyi, “Setefani. . .” Echa Echi kuhanjika echi, “Ove uli na kuhizumuka chachinene, oloze Ngukwechi muthu umwe Ngwatondo enu kuhanjika.”

<sup>168</sup> Kaha Setefani ali wakwononoka, chipwethuhu chipwenga ngachilihi, kutoleka chika. “Mamalelo, Setefwani, enu kamweshi kuhasa kusezako.”

“Oloze, Ngunahase. Kalunga ahanjikile ngocho.”

<sup>169</sup> Kaha ikiye ayile mupambo, kaha kuze ikiye awanyine uze chilolo. Kaha chasolokele ngachilihi? Ikiye ngwenyi, “Pwako. . . Kachi ove wafwelela namuchima wove wosena, nge Yesu apwa Mwana Kalunga, Nanguya nakukujimika ove.” Omwo ikiye amujimikile ikiye. . .

170 Tala. Ikiye apwile wakuyoyesa ha ngolo, kuseza kuhizumuka cha masauzande avathu, kuya nakulovoka mupambo, kuli muthu umwe. Mamalelo, chize nachipwa chakulimbalaka na kushinganyeka. Talenu? “Mwomwoika, kuli teni sauzande vanatondo ove *hano*.” Oloze kuli umwe ali nakutonda, kulovoka *kuze*. Talenu? Kaha ngolo jakuyoyesa kutuma ikiye kuchihela cha Kalunga. Haleluya!

171 Malunga na mapwevo, Echi nachiya nakukulingisa ove kwimana hamahinji ove. Echi nachiya nakukulingisa ove kulinga vyuma vize Kalunga natondo ove kulinga. Kangwalizakaminako kala muthu mwahanjika ika hali echi. Uze alihata nenyi ambile ngwenyi, “Mamalelo, uze muthu ajimbalishile vishinganyeka vyavo. Lomba ufuku wosena; vakiko veji kutanganga Mbimbiliya.” Kangwalizakaminako chumamuka vakiko navahanjika. Echi chikiko Kalunga akusanyikile ove kulinga. Echi chakwoloka. “Mamalelo, vakiko ngwavo etu katweshi kuhasa kupwa na echi chamwaka, kuhizumuka cha Pendekosita.” Mamalelo, eyo, etu tunahase, nawa. Ove unahase kupwa na echi muli ove lyavene. Kaha ove unapu chuma chachinene, muli Kalunga, chipwethuhu vosena kushinganyeka ngachilihi.

172 Talisenu, hanyima, mu kwononoka. Ivwulilenu kanawa jino. Hanyima ya kwononoka Kalunga, ku Lizu Lyenyi, omwo ikiye azalishile kutuma chenyi, jize ngolo jakuyoyesa nge ikiye atambwile ha Pendekosita kumukwata, kuyoyesa mujimba wenyi. Jimayilosi na jimayilosi kufuma kuze, ikiye vamutwalile mu Shipilitu, kaha apwile wakuwana mulifuchi likwavo kumwe. Ngolo ja Kalunga! Kaha kachi etu natupwa pendekosita, “Jize ngolo jojimwe jize jahasangwile Yesu kufuma kuvafu, kachi Yatwama mumijimba yenu.” Talenu? Chosena chakwoloka. Talisenu.

173 Echa tumbate muthu mukwavo na ngolo jakuyoyesa. Kuze kwapwile muthu kunyima okwo, ha lijina lya Enoch. Omwo chuma chachihya chejile, omwo chumachimwe chejile na kuhanjika, “Chamwaza, jino etu twatela kukinduluka ku shikola yamwaka, mokomoko *echi*, *chize*, mokomoko *chikwavo*,” Enoch atambukile na Kalunga. Kala chuma Kalunga ahanjikile kulinga, Enoch kanda lyehi ahone Lizu limwe. Ikiye atambukile na Kalunga. Chuma muka ikiye? Ikiye apwilenga mwana Kalunga. Ikiye apwilenga kwaze uze vavulukilenga lize likumbi.

174 Kaha omwo lwola lwejile, ikiye apwile wakuzala na ngolo jakuyoyesa! Anuka, ikiye atambukile mu myaka faifi handulendi, mokomoko kuhambakana, kumeso a Kalunga, kaha keshi lwola lumwe ikiye ahonene Lizu Lyenyi. Keshi lwola lumwe ikiye alipikile lyavene. Keshi lwola lumwe ikiye alingile oloze alaminenga unjiho. Vyuma vyosena vize Kalunga amulwekele ikiye kulinga, ikiye ayile nakulinga. Chakuzeneka kulipula jipami hali echi, ikiye ayile nakulinga

echi. Chipwethuhu chumamuka kalamuthu ashinganyekele, ikiye ayile nakulinga. Mwomwoika? Ikiye apwile wakuzala na ngolo jakuyoyesa. Kaha omwo lwola lwejile hali uze kashinakaji walunga kufwa, Kalunga atumine ndalo yenyi kaha ikiye atambukile nakuya Kwimbo. Ikiye amuyoyesele ikiye, kaha kumbata mujimba wenyi wanyama muze mukuhukula. Amena. Chize chikiko ngolo jakuyoyesa.

<sup>175</sup> Tala hali Elija, hanyima ya mulimo wenyi wakumine hano hamavu. Ikiye apwile wakuzala na ngolo ja kuyoyesa, ikiye kuvapaisa vakiko ma Jackie Kennedy hakuteula chenye. Ikiye amulwekele Yezevele wamwaka chuma ikiye ashinganyekele hali ikiye. Ikiye avalwekele vakakunangula na tupilishitu chuma muka chapwile chakwoloka na chakuhenga, kaha vakiko kavafwelele ikiyeko. Oloze ikiye kuvapaisa vakiko mapwevo vakukwita ulombo kumeso na vyuma, shikaho chachipi. Kaha ikiye wakuzala na ngolo jakuhizumwisa palanga chauchi chahashile kumulemeka ikiye. Kalunga amulishile ikiye kufuma mwilu, amumbachile nakumuhaka kusali yenyi. Kaha ikiye apwile wakuzala na ngolo jakuyoyesa, kwiza lwola lwakufwa, Yotane asokolwele, kaha ikiye atambukile nakuya, atumine litemba na kumumbata ikiye Kwimbo, shikaho wakuzala na ngolo jakuyoyesa. Ikiye ejile nakupwa muchano, mwana walunga wamwenemwene wa Kalunga. Yaah.

<sup>176</sup> Talisenu, ikiye apwilenga na kuhasa, kaha lijina linyeni apwilenga Elisha. Kaha Elisha apwilenga na chihanda chivali, eji ngolo jakuyoyesa. Talenu? Ikiye apwilenga na chihanda chivali. Jino, ikiye anangwile ha myaka eyite, mokomoko ikiye apwilenga pamo na myaka eyite yakusemuka. Ikiye ambachile kuviza kaha afwile. Jino, ikiye kayile Kwimboko nge muze alingile Elija. Talenu? Vosena vavali kwimanyina muze mu Liuka; vamwe vakakujila kuya, kaha vamwe kunoka. Oloze talisenu omwo Elija vamumbachile muze mu kuhukula; kahajino Elisha ayile nakusavala, muli Kalunga, wakuzala na ngolo jakuyoyesa. Tala ha upolofweto wenyi shimbu kanda ikiye afwenga. Talenu?

<sup>177</sup> Jino, echa nguminyikile enu. Kangwalizakaminako kachi ove wapwa wakufwa, mokomoko okwo ove uli, chize ngolo ja kuyoyesa kanda lyehi chiseze. Myaka na myaka hanyima ya kufwa, eyi nyama kupola nakufumako, misangunya vamuchikova vachilile. Oloze vakiko vapwile nakulongejeke muthu, likumbi limwe, kumumbila muchifuwa, kaha kuze kwapwilenga chikuma ngolo jakuyoyesa kuze palanga muthu kwiza cheka kukuyoya. Haleluya! Amusangwile ikiye kufuma kuvafu, mwomwo ya ngolo jakuhwizumwisa jize japwilenga hali uze mukakujila wa Kalunga, jahonene kumuseza ikiye, atwamine haze havifuwa.

<sup>178</sup> Mamalelo, anuka, etu tunapu nyama ya nyama Yenyi, chifuwa cha vifuwa Vyenyi, kachi etu twapwa Mwenga

Wenyi. Kufwa kachahashile jize ngolo jakuhizumwisako. “Chipwe chikova makenye navakachenyeka ou mujimba, oloze mumujimba wami wanyama Nangukamumona Kalunga.” Upahu kuli Kalunga! Chuma muka. . . Ngunahono kutachikiza chuma muka Nanguhanjika. Lutalililo kana hali uze kashinakaji nge yami, kutachikiza Ngunamono lwola lwamakumishilo kuze hazevene, myaka fifite sikisi yakusemuka.

<sup>179</sup> Hakupwa kanyike walunga wamundende Ngunemana hano, kweseka kuvilika Echi. Oloze Ngunatachikiza nge muli yami, kakweshi chuma chamwaza chize Ngunalingi, kakweshi chuma Ngunalingi, oloze muli yami shina ngolo jakuyoyesa; changuyoyesele likumbi limwe kufuma kuvyuma vya kaye, nge mukweze walunga, wa Kuyoya cha Hayamyaka. Mamalelo, vyuma vinasoloka! Ngunamono vimweno, kuhanjika vyuma. Ikiye kanda kwecha chimwe chihoneke. Ngunahanjika mumalimi akwavo. Ngunapolofweta. Ngunalingi vyuma kana na Shipilitu ya Kalunga ize yatwama muli yami. Jize jikiko ngolo jakuyoyesa. Ngunatachikiza nge likumbi limwe. . .

<sup>180</sup> Muka Ngukusokola ali nakuyoya jino. Kaha likumbi limwe omwo Ikiye mwakeza, evi vifuwa navikakavangiza cheka, kuya nakuliwana na Ikiye muutangatanga. Enu munahase kungufunda mukalungalwiji, chili nakuwema, kala kwosena enu munatondo. Jize ngolo jakuyoyesa yinapu Hayamyaka. Hee! Ngulinakwivwa Paseka hano vene jino. Eyo, mwane. Ngwapwile nawo myaka yayivulu. Echi chili muli yami.

<sup>181</sup> Echi chili muli enu. Kachi, enu, eyi Shipilitu ize yasangwile Yesu kufuma mukufwa muli mijimba yenu, Echi chayoyesa kufuma ku vyuma vya kaye, ku Lizu lya Kalunga kaha. Echi chayoyesa enu kufuma mu kuyoya ku Kuyoya cha Hayamyaka. Enu mwapwilenga vakufwa mu shili kaha kuvulumuna jino vanachiyoyesa hamwe, kutwama muvihela Mumelu na Kulishitu Yesu, chilika Mana kufuma Kwilu, kumona livoko lya Kalunga kusoloka, kwinjikiza lushiko lwa lelo.

<sup>182</sup> “Nge muze chapwile mumakumbi a Nowa, shikaho mukiko nachikapwa na kwiza cha Mwana muthu. Vakiko vapwilenga nakulya, kunwa, kumbata, kulihana mukulimbata. Kaha nge muze chapwile mumakumbi a Lote, shikaho mukiko nachikapwa mu jiola jize ja Mwana muthu navakamusolola hamavu,” keshi Mwana Kalunga, chekako. “Mwana muthu,” kwiza nakukinduluka nge Mujimbu wa upolofweto wa likumbi ndamakumishilo omwo uze kwaze mwakaya nakutuka; keshi ndumbako; keshi ngombeko muchisemunuino cha mulambu. Talenu?

<sup>183</sup> Lwola lwosena, ngolo jakulifukula ja vayile nakuliwana na ukalu wa ngolo ja kaye. Omwo ndumba akatukile, ngolo jakulifukula, kaha ayile nakuliwana na ngolo ja Loma.

<sup>184</sup> Kaha jino omwo mulambu wejile, uze ngombe ayile, mwomwo ikiye napu Chisuma cha Mwata.

<sup>185</sup> Kahajino kwejile vakakutungulula, kuhichila mu chisemunuino chaliuka, kwiza kumeso a muthu. Kaha vaze vakakutungulula vanapunga kufuma kuli Luther, Wesley, mamalelo, Calvin, kushikumuka, kushikumuka, chisemunuino cha pendekosita.

<sup>186</sup> Oloze mu Mujimbu wamakumishilo uze walovokele, kwejile kwaze wa kutuka. Lunapu lwola lwa kwaze, kusolola lwola, eli Lizu lya Kalunga kusoloka, eli Lizu lya Kalunga kwinjikiza. Mamalelo, vana, kutambuka muli echi lujimiko lwa Shipilitu Wajila. Twaya nakwingila na kufwelela Echi, na muchima wove wosena, Kalunga mwaya nakukuzalisa.

<sup>187</sup> Tala hano jino. Etu tunawane jino, anuka, “Etu tunapu nyama ya nyama Yenya, kaha chifuwa cha chifuwa Chenya.” Nge Kalunga kukatula vifuwa Vyenya na nyama kufuma muchimbumbwe, vakiko kaveshi kuhasa kusweka muthu uze ali nangoloko. Kufwa kacheshi kuhasa kumumbatako. Yesu ngwenyi, “Vosena Tata nanguhane Yami navaya nakwiza kuli Yami. Nanguya nakuvasangula ha likumbi lya makumishilo.” Mamalelo, yami! Paseka! Mwomwoika, etu tuli vene mu Paseka. Omwo Ikiye asangukile, etu twasangwile na Ikiye. Ikiye atumine kusoloka kunyima. Etu twakwachilila echi, nge lujimiko lwa Shipilitu Wajila. “Ikiye ayoya haya myaka; youmwe zau, lelo, na hayamyaka.” Hepelewu 13:8 kwinjikiza echi. Ikiye youmwe.

<sup>188</sup> Chize Chimeshiya, vaze vakuwavisa kufwelela chize. Nyi Meshiya ika? Nyi Meshiya ika? *Meshiya* chinapu “Umwe uze wakuwavisa.” Kaha jino kachi Ikiye apwilenga Meshiya, ha kupwa Umwe wakuwavisa wa lize likumbi, kuzalisa eli Lizu lya Kalunga, kupwa Mukakusokola na Umwe wakuwavisa, kaha Kalunga akatwile mujimba, Mwenga Wenya napu Umwe wakuwavisa hali lino likumbi, Ali lyehi wakusanguka na Ikiye mukusanguka, mwomwo, “Ava Vavali vali Umwe.” Amena.

<sup>189</sup> Ngwa—Ngwakutonda Nguhanjike echi mujila Ngwamwene echi. Kachi Ngwapwanga nakutanga Ngunahase kuchilinga. Talenu? Ngwa—Ngwafwelela enu mwamono echi. Ngwatalilila, Kalunga, ou Shipilitu Wajila kwiza nakushikumuka kuze na kuhaka chize mumuchima wove, kumona omu Ngwatwale.

<sup>190</sup> Kusanguka, etu tuli jino mukusanguka. Etu tunatwame na Ikiye mu kusanguka, oloze vaze vali na Kuyoya.

<sup>191</sup> Keshi vaze kaveshi na Kuyoya ko. Vakiko kaveshi katachikiza Echiko. Vakiko kaveshi kahasa kumutachikiza Echi. Vakiko navaya nakutwalilaho kushinganyeka vakiko vali nakumbata Shipilitu Wajila, kupwa wakulwiliwa, kaha Kuhukula nachikaya nakuhita na kuya. Ngwenyi, “Elija neza lyehi, kaha vakiko valingile mujila kana, kaha ove kawatachikijileko.” Talenu?

192 Talisenu. Kufwa kacheshi kwimika ngolo ja Kalunga ko. Talisenu. Kufwa kacheshi kuhasa kwimanako.

193 Ove ngwove, “Chamwaza, mama yami apwilenga pwevo wa kuzala na Shipilitu. Tata yami, Kanda lyehi ngumone muthu wakuzala na ngolo nge tata yami. Oloze ikiye afwile, Ndumbu walunga Branham.” Punduvane. Chize kachemikile ngolo jakuyoyesako.

194 Mose apwile na ngolo jakuyoyesa. Ove wafwelela ngachize? Kanda lyehi kupwenga muthu nge ikiye hano hamavu, palanga Yesu. Mwomwo ikiye kamwene kaha vimwenoko, ikiye ahanjikile meso na meso na Kalunga.

195 Numba kapolofweto wapwevo, Miliyame, kukana lizu lyenyi likumbi limwe. Ikiye ambile ngwenyi, “Kanda kwivwa womako Kalunga? Tala ngamba yami, Mose. Kakweshi muthu muno mukaye nge ikiyeko, luno lwola. Kanda lyehi kupwenga muthuumwe nge Mose. Ngwahanjikile kuli Mose. Chuma muka ikiye ahanjikile, uze kapwile muchano ko? Talenu? Nanguhanjika kuli Mose. Kanda kwivwa womako Kalunga? Kanda ove muhanjika lizu hali ikiyeko.” Kaha hazevane ikiye vamuvetele na mbumba kaha—kaha apwilenga nakufwa. Ikiye kayoyele chikumako, hanyima yachize. Mose amulombelele ikiye.

196 Kaha Mose ayile kupili, ha myaka handulendi na twende ya mulimo, mokomoko myaka eyite ya mulimo; handulendi na twende ya kuyoya, akandukile helu lya jipili na kufwa, kaha vamufunjile muze mu chinema. Oloze ngolo jakuyoyesa yapwile hali ikiye. Pamo myaka eyiti handulendi kufuma haze, ikiye ali, kwimana ha Pili ya Kwalumuka. Amena. Chumamuka chapwile ikiye? Ikiye apwile wakuhakile muli chize kusanguka. Punduvane, mukiko apwilenga. Ikiye apwilenga na ngolo ja Kalunga. Hano ikiye apwilenga, nemana.

197 Tala hali Yopa, Apalahama, Isaka, vakakujila ha likumbi lya kusanguka, chimene chachinene nge Yopa na vosena vatachikijile nge mwaya nakwiza. Omwo, ikiye ambile ngwenyi, “Ngunatachikiza Mukakungusokola ayoya,” handulendi na jihandulendi ya myaka shimbu kanda Kulishitu. Echi chili, vene, Mukanda wa Yopa vasonekele shimbu kanda Kuputuka, vakiko vavulukile, Mukanda wamwaka mu Mbimbiliya.

198 Kaha mu vyeseke vyenyi, na omu natuya nakuhita jino. Kaha pwevo lyenyi, na, chuma chahakamwihi na ikiye hano hamavu, ngwenyi, “Mwomwoika ove unahonena kwangula Kalunga na kufwa kufwa?”

199 Ikiye ngwenyi, “Ove uli na kuhanjika nge pwevo wa chileya. Ou Mwata ahanyine, ou Mwata nambate cheka, kukisula chipwenga ku Lijina lya Mwata.”

200 Kaha jino omwo ize Shipilitu ya Kalunga yejile hali ikiye, kaha ikiye aputukile kupolofweta, ikiye ambile ngwenyi,

“Ngunatachikiza Mukakungusokola ayoya, kaha kumakumbi akumakumishilo Ikiye mwakaya nakwimana hano hamavu. Chipwe makenye navakenyeka ou mujimba, oloze mumujimba wami wanyama Nangukamumona Kalunga.” Kaha ikiye atungile chihela nakulifunda lyavene. Ikiye ambile ngwenyi, “Etu natuya nakulanda echi mavu.” Ikiye alanjile kuze kaha kufunda lyavene.

<sup>201</sup> Kufuma haze, kwejile lunga wa lijina lya Apalahama. Eli liuka kukula, kwiza nakukanduka. Apalahama, chamwaza, jino, ikiye apwilenga na ngolo ja Kalunga, nawa, Kuyoya cha hayamyaka, Hayamyaka, mwomwo Kalunga amusanyikile ikiye. Jino talisenu. Omwo ikiye afwile, mokomoko Sala afwile, ikiye alanjile chihanda cha mavu mu Palachise, hakamwihi na chimbumba cha Yopa, kaha amufunjile Sala. Apalahama afwile kaha nawa vamufunjile na Sala. Apalahama asemene—asemene Isaka.

<sup>202</sup> Kaha Isaka, omwo afwile, ikiye asavalile na Apalahama, musenge hamwe yamajilo. Jino, omwo, Isaka asemene Yakova . . .

<sup>203</sup> Yakova afwile, kushikumuka mu Ejipitu. Oloze kupwa kapolofweto, jino, na ngolo, ja ngolo, ikiye ambile ngwenyi, “Kanda ove ungufunda kunoko, Yosefwa. Twaya kuno, kapolofweto kami. Haka livoko lyove hali ou mwoyo wa Kalunga. Lihana kuli Kalunga wa Mwilu enu kamweshi kuhasa kungufunda hano.” Chumamuka chapwilenga muli uze muthu? Mwomwoika Ejipitu yahonene kupwa yamwaza nge kala chihela? Ikiye apwilenga kapolofweto. Ikiye atachikijile kuze kuli kusanguka chapwilenga nakuya nakupwa. Kachapwile kuya nakupwa mu Ejipitu ko; nachiya nakupwa mu Palachise. Ambile ngwenyi, “Haka mavoko ove hali chitonji, kaha ove kulishinga hali Kalunga nge Ngunazachilanga. Ove unapu kapolofweto kami, nge, ove kaweshi kuhasa kufunda vifuwa vyami muno. Ngutwale kuze kaha kungufunda.”

<sup>204</sup> Yosefwa, kupwa kapolofweto, nawa, ahakile mavoko eyi hali ise wa chitonji. Ngwenyi, “Ngweji kulishinganga kuli Kalunga ka Apalahama, Yisaka, cha Yakova, Kangweshi kuhasa kufunda hanoko.” Vakiko vamumbachile nakumufunda mulifuchi. Mwomwoika? Mwomwoika?

<sup>205</sup> Omwo Yosefwa afwile, ikiye ngwenyi, “Kanda ove ungufunda kunoko. Kanda kungufunda kunoko.” Mwomwoika? Kalunga apwa Kalunga kwosena, oloze Ikiye ali na puna. Yosefwa apwilenga kapolofweto. Ikiye ambile ngwenyi, “Likumbi limwe,” ivwililenu, mazu eyi, “ou Mwata Kalunga mwaya nakutambukila-. . .mwaya nakumitambukila, kaha mwakaya nakumifumisamo muno mulifuchi. Kaha nge nauya, na vifuwa vyami.”

<sup>206</sup> Jize ngolo jakuyoyesa yapwile muli vize vifuwa. Mamalelo! “Kachi Shipilitu ya Ikiye ize yasangwile Kulishitu kufuma kuvafu, kutwama muli ove, Ikiye mwaya nawa nakuyoyesa mijimba yenu.”

<sup>207</sup> “Kanda kuhaka vifuwa vyami munoko. Vafunda muze na jize jishiko.”

<sup>208</sup> Omwo Yesu ejile, hano, Ngukwechi Chisoneka hano, Mateu 27:51. Omwo Yesu asangukile kufuma kuvafu, Yopa amwene chize kwiza, ngwenyi, “Ngunatachikiza Mukakungusokola ayoya. Makumbi akumakumishilo, Ikiye mwakaya nakwimana hano hamavu. Chipwe chikova makenye vanachenyeka ou mujimba, oloze mumujimba wami wanyama Nanguya nakumona Kalunga. Nanguya nakumumona Ikiye.” Vakiko vatachikijile. Uze apwilenga kapolofweto. Apalahama apwilenga kapolofweto. Isaka apwilenga kapolofweto. Yakova apwilenga kapolofweto. Yosefwa apwilenga kapolofweto. Kaha vakiko vapwile na kusoloka cha Kalunga, kutesekesa na Lizu Lyenyi. Kaha ha chimene cha Paseka, omwo uze Umwe ejile na kusokola vosenaz vaze vafwelele hali Ikiye, vakiko vakatulanga, nawa, kutesekesa na Mbimbiliya.

<sup>209</sup> Jize ngolo jakuyoyesa kwiza nakwingila muchimbumbembe cha Yopa, kuze kakwapwile numba nguto ya lukungu lwa vifuwa vyenyi vyasele. Hanyima ya mahandulendi osena, na jihandulendi, na myaka jihandulendi, vifuwa vyenyi vyapwile vyakupola. Chize—chize kukinduluka, kaha kwalumuka kuli jize jipeho jahamavu, kaha kupwa uto kaha lukungu lwasavala haze. Oloze, ohonyi, omwo jize ngolo jakuyoyesa, kutesekesa na Lizu lya Kalunga, ku lushiko, handulendi na jihandulendi, eyo, masauzande a myaka kufuma haze, omwo jize ngolo jakuyoyesa jinanehe kufuma muchimbumbembe; Yopa, Apalahama, Isaka, Yakova, vosenaz, kulovoka muze muchimbumbembe na Ikiye.

<sup>210</sup> Eyi Mbimbiliya yahanjika ngocho. Mukakujila Mateu, kapetulu 27 na vasi 51, ambile ngwenyi, “Vavavulu vakakujila vaze vanasavala tulo mulukungu lwa mavu, kusanguka kaha kwiza kufuma muchimbumbembe na Ikiye, omu Ikiye ejile ha Paseka na chimene.” Mwomwoika? Vakiko vapwile na ngolo. Vakiko vapwile na ngolo jakuyoyesa, talenu, kaha kusanguka kufuma kuvafu, kaha kuya na Ikiye mukusanguka. Kusuuluka na kusanguka na Ikiye, mwomwo vakiko vapwile vakuzala na ngolo jakuyoyesa. Vakiko vapwile na katachikijilo ka Paseka.

“Chamwaza,” enu ngwenu, “Kachi Nanguyoya mu Tesitamende Yamwaka.”

<sup>211</sup> Vandamina munyutu kaha. Mu Tesolonyika Watete... Tesolonyika, kapetulu 4, ha vasi 16, Ngwatondo enu kutanga echi. “Kangweshi kupwa wakuhona kutachikiza, vandumbwami, kuvuluka vaze vanasavala tulo, nge enu kanda namulishonako, nge vaze vahona litalililo. Mwomwo

kachi twafwelela ngana nge Yesu afwile, na kusanguka cheka likumbi lya muchitatu,” keshi kulifwanyisa kufwelela, oloze etu twafwelela echi, “numba vaze vanasavala tulo muli Ikiye Kalunga mwaya nakuneha Ikiye.”

<sup>212</sup> Vaze vakakujila vamu Tesitamende Yayihya na ngolo jakuyoyesa, navakasangula, nawa, ha Kwiza Chenyi chamuchivali; kupwa kaha wakukunyuka nge vakakujila vamu Tesitamende Yamwaka na ngolo josena hali vifuwa vyavo, kaha kwalumuna na ngolo, na vyangochi, chize kusolola Kalunga. Vaze tupolofweto vaze vejile ku Lizu lya Kalunga, vakiko wakusanguka na Ikiye ha kusanguka cha chimene; kaha na lushiko lwa Kalunga nge wosena ali muli Kulishitu Yesu mwaya nawa nakwiza na Ikiye mu kusanguka Chenyi, jize ngolo jakuhizumwisa ja Kalunga hali vize vifuwa.

<sup>213</sup> Shikangaho, etu kuhaka mavoko hali vakakuviza. Shikangaho, etu twazanga umwe namukwavo. Etu twapwa vandumbu vamaunga na vamaewe. Etu katwatela kujijinda umwe namukwavoko mwomwo etu tuli vakusungama na eli Lizu lya Kalunga. Etu twatela kuzanga umwe namukwavo, kaha kupwa na kalemesa hali umwe namukwavo. Munatachikiza, kachi ove kaweshi kuhasako, kacheshi kukukafwa ove.

<sup>214</sup> Kuli mukweze wamundende natwame hano vene, nge, mwishi ya liuka jino. Makumbi amandende kunyima okwo. . . Uze muthu afwelela. Kanyike wamundende walunga apwile na kansa ya litwitwi lyenyi, kaha ikiye kahashile kuhanjika chuma chimweko. Ikiye apwilenga nakuzata kuze kuzuvo. Ngunapunga nungeji waunyanga na ikiye, kuze na vandumbu vamaunga va Moseley, na Ndumbu walunga Dawson hano. Etu twapwile hano muunyanga, mwana Ndumbu walunga William. Kaha Ngwatalile halitwitwi, kaha Ngwamwene litwitwi lyenyi lyosena lyakujimba, kaha Ngwambile ngwami, “Ukalu uli halihi, Donavon? Lize litwitwi!”

<sup>215</sup> Ikiye ambile ngwenyi, “Ndumbu walunga Branham, echi chinapu lwola lwalusuku. Ngunahono kutachikiza.”

<sup>216</sup> Nguli kaha—kaha kupwa wakukwachiwa kulivoko. Chize chapwilenga kansa kulitwitwi. Kahanjikile numba lizu limweko; akwachilile kaha kushinganyeka, “Ndumbwami walunga!” Mu likumbi mokomoko avali hanyima yachize, kuze kakwapwile numba chiveza hali chize. Echi chapwile kalemesa kenya muli Kalunga wa Mwilu, ha ngolo Jenyi jakuyoyesa, ajihile ize kansa na kulama chiyoyelo cha Donavon Weerts kunyima kuze. Echi chakwoloka.

<sup>217</sup> Chuma muka echi? Tala hano, vathu hano mu Phoenix. Tala hali enu vathu vaze vafwelelele muli echi. Tala hali vathu vaze vali nech, vaze navakahaka mavoko hali enu. Tala omwo nachisoloka. Echi chinapu ngolo jakuyoyesa. “Evi vinjikizo navikakavangiza vaze vakakufwelela.” Kachi vakiko navahaka

mavoko hali vakakuviza, jize ngolo jakuyoyesa, kwaze kupwa na kwaze, chumachimwe nachiya nakusoloka. Jino, ngonga kupwa mukewe, keshi kuhasa kuzachiwako. Ngonga kuli kwaze, kukatuka kufuma muchipato, nakuya Mwilu. “Evi vinjikizo navikaya nakuvakavangiza vaze vakakufwelela,” omu vakiko navakapwa mukufwelela.

218 Talenu jize ngolo jojimwe ja Kalunga kwimanyinako muli vaze tupolofweto vavali, Elija na Elisha. Tachikizenu, lizu lyolimwe; umwe wavo *kukwachiwa*, mukwavo umwe *kumumbata*. *Kukwachiwa* na *kumumbata*. Talenu? Ikiye vamukwachile. Etu natuya nakukwata; kukwata vakiko, kuliwana navakiko muze mupeho. “Kupwa vakukwachiwa kuliwana navakiko muze mupeho.”

219 Talisenu, kajila atela kupwa na mavava avali, kuli ivene. Echi chakwoloka? Elija apwilenga nakukwalumuna, Elija. Elisha apwilenga kusanguka. Talenu? Vosena vavali, hamwe, kwimanyinako vakakujila vaze vanayoyela kaha vakakujila vaze vanayi.

220 Anuka, washi kumona kuhita, mahina. Omu ava vathu vavayoyesele kunyima kuze nakutala kusali ya lihina kaha kumona kushikumuka nakuhita mulwola luno; vaze tupolofweto!

221 Tala hali Paulu, ngwenyi mumakumbi akumakumishilo omu vathu navakaya nakupwa, nakulinga na kulivuluka vavene kupwa Vakakulishitu. Ikiye apwilenga kapolofweto, wakuzala na ngolo jakuyoyesa, amwene echi kwiza nakuhita. Etu twafwelela chize, keshi ngochoko? Ikiye atambwile ngolo jakuyoyesa.

222 Tala ha ngolo jakuyoyesa lelo, kulweka vyuma, chakuzeneka chuma chimwe. Keshi lwola lumwe kuhona. Ngolo jakuyoyesa; keshi ngolo ja muthu; ngolo ja Kalunga. Jize ngolo, kusoloka cha Paseka, uze wakusanguka Yesu uze atumine kunyima ya chakufuma, kutuhindula etu nge etu tuli lyehi vakuyoyesa na Ikiye.

223 Talisenu, enu anukenu mu mukanda waundende, Malunga Vakakusekasana hano, *Kutala Kusali Ya Lihina Lya Lwola?*

224 Kaha Ngwaputukile kupwa wakukula, kutachikiza makumbi ami kupwa nakuhiha, kaha Ngwapwile vene... Ngwembile chize chihanda chachindende cha uze mwaso wamapwevo vakalemesa wakunyima okwo, Ngwevwile pamo mwahichi myaka eyiteni, twende jino, *Ngwatondo Kuchihanjika Echi Na, Mwata*, kahajino yako kuze na kuya nakulomba, kahajino ngolo jakuyoyesa kwiza, Anokele, kaha Ngwatalile Kuze, kaha Ngwambile ngwami, “Tala kuze!”

225 Ngunanuka chimene chize, hakupwa wakukwachiwa. Kaha pwevo lyami, kutwama kunyima kuze, kusavala hamuhela woumwe na yami chimene chize. Ngwakatukile, nakutala

helu. Kaha haze ikiye ali, nasavala. Ngwambile ngwami, “Kachi Nanguya nakulinga kalachuma hali Mwata, ove watela kuzangula, kanyike walunga. Ove unahambakana fifite.” Jino Shipilitu Wajila angukwachile yami, kaha Ngwatalile Kuze. Ngwamwene vaze vakakujila, kupwa kaha wakukunyuka nge Ngunemana hano ha chitwamo chakusonekela, na ou Mukanda wakujila kupwa hano, kaha mukakuzata mu Mujimbu wamwaza.

<sup>226</sup> Kutala Ngwamilwezele enu kalachuma mu Lijina Iya Mwata oloze chasolokele ngachilihi? Kachi Ngwalingile, Ngwatondo enu kungulweka yami hali echi. Lwola lwosena, chinapunga chakukupuka, ha kamenga? Lwola lwosena, chinasoloka nge Ikiye ahanjikile? Echi chapwile MUKIKO MWANAMBE MWATA.

<sup>227</sup> Ngwemanyine kuze, kutala hali luzu lwola. Ngwamwene teni sauzande ya masauzande kwiza, vakweze vamaunga na mapwevo, kulaha, kumbila mavoko avo hali yami, kutambakana. Ngwatalile kunyima na kutala yami lyavene nasavala hakahela. “Ove Mwata, echa ngutale kusali ya lwola lwa lihina.”

<sup>228</sup> Chuma muka echi? Echi chinapu ngolo jakuyoyesa nge mwaya nakukwata etu. Jize ngolo jainene. Ngolo jakuyoyesa kwiza nakwingila mumakumbi akumakumishilo.

<sup>229</sup> Omu mukiko Nguli mu Arizona, hano vene. Kuli vathu vavavulu vanatwame hano vene, kwimana hano vene mu Phoenix, kaha ngewwile yami kumilweka enu kufuma kukamenga, “MUKIKO MWANAMBE MWATA.” Vangahi vananuka echi? “Jino yako. Chumachimwe chili nakwiza nakusoloka.”

<sup>230</sup> Ngwamwene Vangelo seveni kwiza. Kumana *Life* mangajinyi kuhaka, nge mbundu ya Ili nakuhita hano, twende seveni milosi helu, kaha seti milosi kuzauka? Echi kacheshi Fred Sothmann, ava veka, Gene Norman, vakiko, kutwama kuze kunyima? Kwimana kuze omwo vaze Vangelo seveni vasolokele kuze vene kupili. Jize jipili janyikishile jipili, kujinguluka, nge ngachize. Kuze kwemanyine Vangelo seveni. Kaha ambilile poko yauvela kuvali mulivoko lyove, ambile ngwenyi, “Yako kwimbo na kusokolola Tutachikijilo Tutanu natuvali.” Kaha hano vakiko vali, mangana akusweka a kulimbata na kulukulula, kaha mbuto ya linoka, kaha vyuma vyosena evi vanavipulu. Echi chili MUKIKO MWANAMBE MWATA.

<sup>231</sup> Chuma muka echi? Ngolo jakuyoyesa kwiza ku Liuka, kulingisa Ikiye kupwa wakulizanga, ino ola etu tuli nakupandama. Ngolo jakuyoyesa!

Ove Kalunga, tukafweko etu kutambula Echi. Tukafweko kufwelela Echi.

232 Talenu, chinemanyina ha vilinga muka ove muwana Echi, chipwethuhu Nachiya nakulinga mwamwaza, mokomoko chiku, chipwethuhu. Talenu? Ove watela kufwelela Echi. Ove kawafwelela Echiko, Echi kacheshi kuhasa kulinga chuma chimwe chamwazako.

233 Omwo Samwele wakashinakaji emanyine kumeso avathu, ngwenyi, “Kutala Ngwamilwezele enu kalachuma mu Lijina lya Mwata oloze chuma muka chasolokele? Kutala ngwamilomba lyehi mali enu, mangana muyoye?”

“Nduma, oloze etu twatondo mwangana, mwosena omwo.”

234 Omu mukiko mujila liuka lili na lelo. Vakiko vanatondo vishinganyeka vyavo. Vakiko kaveshi kuhasa kuhaka mangana kuli enuko. Vakiko kutambuka nakujinguluka. Chamwaza, nachiya kaha nakusolola, ngolo jakuyoyesa keshi muzeko.

235 “Mamalelo,” enu ngwenu, “chamwaza, Ngwahanjikile mumalimi. Ngwatumbukile kaha Ngwatambakanyine.” Chize chosena chakwoloka.

236 Oloze kachi ngolo jakuyoyesa ili kuze, ove muya nakutachikiza. Nge uze kwaze wamundende; uze ikiye naye. Lize likiko Lizu. Muze MUKIKO MWANAMBE MWATA. Omu mukiko Kalunga ashikile. Muze mukiko Ikiye ahanjikile. Muze mukiko vene chasolokele. Etu tunahambakana muvwimbimbi wakukakasana, kupwa vene mukusanguka hano vene, vase vakakujila kupwa vakulizanga kuvambata kuya muze mupeho.

237 Shikaho, Yesu, shikaho wakuzala na ngolo jakuyoyesa, ngwenyi, “Kachi ove unahase kwenyeka eyi tembele, ize nachikumbata ove myaka fwote, ove kushinganyeka, kutunga, Nanguya nakuyisangula mumakumbi atatu.”

238 Mwomwoika? Mwomwoika Yesu nahase kuhanjika ngachize? Ngwatondo kumihula. Mwomwoika Yesu nahase kuhanjika chuma kana nge ngachize? Ikiye atachikijile Chize kupwa Ikiye. Amena. Ngwafwila kachi Nanguhasa kulingisa uze mutondo. Ikiye atachikijile Hiya Ikiye apwile. Ikiye atachikijile chize, kala Lizu, Kalunga asonekele muli Ikiye, Ikiye chinazalishiwa. Ikiye atachikijile Ikiye apwilenga Umwe Ndavichi ahanjikile chize.

239 Munatachikiza enu munapu vamwe Mbimbiliya yahanjika? Munatachikiza chihela chove chili muli Kulishitu? Kachi ove uli muli Kulishitu, ove uli tengeso yayihya. Enu munatachikiza eli Lizu linapu kaha nge kuyoya cha likumbi, kuli enu? Mwomwoika, punduvene. Echi chinapu chove. Ove unapu kwaze. Echi chinapu Kulya chove.

240 Ikiye atachikijile chize, ha ngolo ja Kalunga, Ikiye mwaya nakuchilinga, mwomwo echi vachipolofwetele Ikiye mwakaya nakuchilinga chize. Ou ukiko mulonga Ikiye kapwile na womako kuhanjika, “Enyekenu eyi tembele. Nanguya nakuyimika

mumakumbi atatu, mwomwo Nдавichi ambile ngwenyi, ‘Kangweshi kuya nakuseza mwono Wenyi muheteseko, chipwe Yami kwitaviza Umwe Wami Wakujila kumona kupola.’” Ikiye atachikijile numba cell yimwe ya mujimba Wenyi kumona kupola. Kaha yeji kupola mu jiola jivali. Ikiye ambile ngwenyi, “Enyekenu eyi tembele. Nanguya nakuyimika cheka, mumakumbi atatu.” Mwomwoika? Ikiye apwile wakuzala na ngolo jakuyoyesa jize jayoyesele Lizu lyosena. Ikiye atalile kunyima na kumona kala Lizu lya Kalunga lya kusoneka hali Ikiye, kaha kapolofweto ngwenyi Ikiye azalishile chize. Ikiye atachikijile nge nachiya nakuzalishiwa, nawa.

<sup>241</sup> Jino, kala Lizu lize Kalunga ahanjikile, likwechi shipilitu yove ngwayo “amena” kuli Chize, Echi chinazalishiwa muchiyoyelo chove, nge mukakufwelela?

<sup>242</sup> Ove weji kukwata chumachimwe, kuhanjika, “Chamwaza, liuka lyami lyeji kunangula mwakuhandunuka”? Jino pwenu vakuvanguluka, chiselele.

<sup>243</sup> Tachikizenu. Va ngonga vafwelela. Kakweshi numba chihulako, kuli vakiko. Vakiko vafwelela Echi. Tachikizenu.

<sup>244</sup> Jino, Ikiye atachikijile nachiya nakusoloka mwomwo eli Lizu ngwalyo Mukiko chapwile. Kaha Lizu lyosena lya kusoneka hali Ikiye lyatela kuzalishiwa. Ikiye atachikijile nge Chize chapwile chakusoneka ha ngolo ja Kalunga, ha tupolofweto vakujila vaze vapolofwetele nge Ikiye mwaya nakulinga ngocho.

<sup>245</sup> Kaha upolofweto kaweshi kahunako. Kaweshi kuhasako. Eli Lizu lya Kalunga kalyeshi kuhonako. Kaha echi vachisoneka mu...hali Shipilitu nge...Kaha jino, nawa, eyi Shipilitu ize yasangwile Yesu kufuma kuvafu, kachi Echi nachitwama mumujimba wove, mujimba wove, Nachiya nawa nakuyoyesa mujimba wove. Jino, kwasa echi, kuwema, kulinga kalachuma ove unatondo, kuseha hali echi, kupula echi hamavu, kwalumuna echi, kulinga chuma ove unatondo. Kalunga mwaya nakumusangula, mwomwo Ikiye ngwenyi Ikiye mwaya. Kaha mukakujila wa Kalunga ali na lushiko muli ikiye, natachikiza nge ou unapu Muchano. Shikaho, kanda kwivwa womako, ndumbu walunga, etu tuli lyehi mu Paseka.

<sup>246</sup> Tala jino ha kwalumuka, shimbu kanda etu tusoke. Kwalumuka, kwalumuka, etu vosena kwimanyinako kuze mu kwalumuka. Tala chuma etu tuli nakumona lelo. Talisenu chuma muka etu tuli nakumona lelo, ngolo ja Kalunga jakuyoyesa. Etu twapwile vosena kuze. Kuze kwapwilenga vakakujila vakufwa, kwimanyinako muli Mose; kuze kwapwilenga kusanguka; kaha Yesu Kulishitu waupahu. Elisha...Mose, Elija, na Yesu, vosena kwimana hapili; vaze vakakujila vakufwa, vakakujila vakuhukula; kaha Yesu waupahu. Mamaah, yami!

<sup>247</sup> Chamwaza, enu ngwenu...Ngwevwile mukweze kuhanjika. Vakiko navaya nakuhanjika, “Enu vathu, mwomwoika,

kachi enu mukwechi muyachi wa ngolo, enu mwatela kuya nakulovoka na kulweka vathu chuma muka enu munahase kulinga.” Kwakusuku na Mukakulishitu wamwenemwene, kuhanjika vyuma nge ngachize. Talenu? Punduvene, etu katweshi nakutonda ngoloko. Kuli. . .

<sup>248</sup> Oloze etu tweji kulinganga chuma chimwe. Omwo vakiko vatalile nakujinguluka, na ngolo josena hali vakiko, “Vakiko vamwene Yesu kaha.” Kaha kupwa vene, mukakufwelela wamuchano kazakama chipwe ikiye emanyinako chikungulwilo, mokomoko chauchi. Ikiye atonda kaha chumachimwe, hali ove kumona uze Kulishitu waupahu, kupwa nakala chihandwa. Chamwenemwene, Pili ya muchano ya Kwalumuka kutachikiza kaha upahu wa Yesu Kulishitu. Chize kachamutohwesele Mose ko, kachamutohwesele Elija ko, kachavatohwesele vakiko, kachatohwesele chumachekako, oloze vakiko vamwene upahu Kulishitu. Kaha kala mukakufwelela wamuchano, vaze vali mukachi ka muchima, kutohwesa Yesu Kulishitu. Omu mukiko ikiye ali nakweseka kulingisa vathu kumona.

<sup>249</sup> Kanda kuhanjika, “Chamwaza, kachi enu namwiza nakulinunga na mazavu etu, kachi enu namwiza nakulinga *echi* mokomoko kulinga *chize*.” Mamalelo, kanda kulinga ngachizeko. Kanda kulinga ngachizeko.

<sup>250</sup> Talenu Lizu lya Kalunga, ou napu Kulishitu, kumutohwesa; kaha kuzalisa lushiko lwa lino likumbi, muli ino ola yayinene ya kusanguka. Talisenu. Kaha echi cheji kuvahana vakiko kuwahilila, kutachikiza nge etu tuli na Ikiye, nyama ya nyama Yenye, kaha chifuwa cha vifuwa Vyenyi. Kuwahilila kana! Chize chikiko kaha chuma chivene mukakufwelela wamwenemwene eji kuzakaminanga.

<sup>251</sup> Vakiko kavalizakaminako ha chikungulwilo. Vakiko kavazakamako chikungulwilo. Vakiko kavalizakaminako chumamuka cheka pwevo mwashinganyeka. Vakiko kavalizakaminako. Punduvene nduma. Vakiko kaveshi kulinga vyuma kanako. . .ava mapwevo vakwavo veji kulinganga. Vakiko. . .Ava malunga kaveshi kulinga vyuma kana ko. Vakiko kaveshi kuhasa kwimana na kema nakujinguluka na chikungulwilo chimwe, kuvalama kufuma mukuvahaka, kaha woma vakiko navahona lipapilo lyavyakulya. Vakiko kavazakamine vyuma kanako. Echi chinapu chakuzeneka mangana kuli vakiko.

<sup>252</sup> Kuli kaha kufwila chimwe cha muchima, chili, kumona Yesu Kulishitu kumutohwesa. Kuyoya chavo chatela kupwa na Kalunga. Echi chatela vene, chuma cheka chauchi, oloze upahu wa Yesu Kulishitu. Kaha Yesu napu hiya? Eli Lizu. Echi chakwoloka? Jino, talisenu, kaha kumona jijila Jenye ja kwinjikiza, kwinjikiza kusanguka Chenye. Jino chuma muka echi? Kumona chiyoyelo chove, ha Lizu Lyenyi lya lushiko nge

Ikiye ambile ngwenyi, “Ikiye youmwe zau, lelo, na hayamyaka,” kwinjikiza nge Ikiye hanga ayoya.

<sup>253</sup> Kangwalizakaminako kachi kala chikolo muno mulifuchi chinasoka kuli yami. Chize, Yami. . . Nge omu Ngwahanjikanga, Ngwapwile na fifite sikisi, likumbi likwavo. Ngunahase kupwa kuveta kuweluka. Nguli museteko ya muchima. Nguli muli chino chisemunuino chikwavo, kaha vyuma vyosena nawa. Chamwaza, chihandwa muka? Kachanehele chihandwa kuli yami omwo Ngwapwile ngukanyike. Echi kacheshi kuneha chihandwako jino, ola muka yami vanayisanyika, kaha kati yami kufuma mumulondo. Kangwalizakaminako kachi vakiko vatachikiza Ngwayoyelaho lyehi hamavu. Echi kachanehele chihandwako. Vakiko kavatela kupwa na jizuvo jajinene na mazuvo amanene kuhanjika nge Ngwapwile hano hamavu.

<sup>254</sup> Chuma chimwe Ngwatondo vakiko kutachikiza, kutachikiza nge “Yesu Kulishitu apwa youmwe zau, lelo, na hayamyaka.” Kaha mumuchima wami Ngwakwata Ikiye. Kaha Ngunatachikiza nge likumbi limwe. . . Chipwethuhu, Ngunahase kulondamana mukalungalwiji. Ngunahase kutujiha mu Africa. Ngunahono kutachikiza chuma muka nachiya nakusoloka kuli yami. Oloze chuma chimwe Ngunatachikiza, Ngunakwate chuma. Haleluya! Kala chikolo vanahase kuchisoka. Chize kacheshi kuneha chihandwako kuli yami. Kangweshi nakweseka kutohwesa muthu mokomoko chikungulwilo, mokomoko lyavene, mokomoko naumwe hali aze mazavu, mokomoko chiku. Ngwatondo vathu kumona Yesu Kulishitu nasanguka kuvafu, kaha Shipilitu Yenyi ayoya. “Ikiye apwa youmwe zau, lelo, na hayamyaka.”

<sup>255</sup> Shikangaho, Yesu ambile ngwenyi, “Kanda kwivwa womako. Yami Vene uze apwile wakufwa, oloze Nguli wakuyoya haya myaka.”

<sup>256</sup> “Mwomwo jino etu vanatusokola kuli Ikiye, kaha kusanguka na Ikiye, kaha vali jino (keshi ngochoko) kutwama muvihela vya Mumelu muli Ikiye.” Jino, omwo etu natupwa na eyi Shipilitu muli etu, chakufuma, kusolola nge kukakasana chosena vanachifumisa. Ika? Kulishitu ayoya. Keshi Yami ngwayoya ko; keshi *yamiko*. “Kulishitu ayoya muli yami.” Keshi *ove* mwayoyako, oloze Kulishitu ayoya muli ove; mwomwo Lizu Lyenyi lya kuyoya kuyoyela muli enu, kusolola nge kulava cha Mesondisiti, kaha va Mbaputishiti, na vishinganyeka vya Pendekosita, vyuma vyosena, vamuvetele. Kaha Yesu Kulishitu. . .

<sup>257</sup> Nge ha Pili ya Kwalumuka, tupolofweto vosena na vyuma vyosena navikakuma. Makumbi osena a Luteleni, va Mesondisiti, Pulishiteliyani, vakiko vali vakwoloka, oloze, “Ou ikiye Mwanami walunga ngwazanga. Mwivwulilenu Ikiye,” eli Lizu lya ino ola, eyi ola ya Tutachikijilo. Omwo, mangana

akuswamana kunyima kuze, chize chinapu chakusweka myaka yosena, kaha vakiko vali. . . Uze kaposhi wamunene wa lwola lwakuveta, lilolwa lyamumbango, chilingise kushikumuka mangana uze Tanganyika ya Ndavichi apwenga muchihela Chenyi. Kaha Liuka lyalinene lya Kalunga wakuyoya naliya nakupwa nakusanguka nge mavava a ngonga, kulovoka mu Upahu. Eyo.

<sup>258</sup> Muze jino, muze jino, mumijimba yetu: na kuhanjika na malimi amahya; na upolofweto, kaha hakumona; kunangika mavoko hali vakakuviza, kaha vakiko nakuyoya; kaye, kufwa, kaha vyuma vyosena vya kaye. Etu twahichile mukufwa nakwingila mu Kuyoya, kaha etu jino tweji kukwata ngolo. Haleluya!

Ha kusanguka cha chimene,  
Omu katachikijilo ka kufwa navakahokola,  
Etu natukaya nakusanguka, (Haleluya!) etu  
natukaya nakusanguka. (Amena!)

<sup>259</sup> Kakweshi maliyavolo vakutambo mu hetese kutulama etu kufuma mukulinga echi. Etu twapwile vakutongola kuli Kalunga hali ino ola. Eli Lizu lya Kalunga kusoloka Livene kuhichila muli etu. Kaha etu twayoyela Kumeso a Kalunga, ha lushiko lwa Lizu lya Kalunga. Keshi liyavolo muhetese ko nahase kunguhonesa yami kupwa helu. Kakweshi chikolo ikiye nahase kusoka kumeso ami, ha chimene chize. Tuze tutachikijilo vanatuhokola. Haleluya!

<sup>260</sup> Nguli wakukasunuka. Ngwapwa kwaze. Kangweshi cheka muze muchikalanga, oloze Nguli wakukasunuka. Ngunasanguka kufuma kuvafu, kwingila mu Kuyoya chachihya cha Yesu Kulishitu. Keshi yami kahako, oloze kala muthu, pwevo, kanyike walunga mokomoko wapwevo natwame hano, uze napunga wakuzala mu Shipilitu ya Kalunga, napu tengeso yayihya muli Kulishitu. Kaha ove unapu ngonga.

<sup>261</sup> Etu tuli vavatonyi, lelo, kaha kuwahilila na kusanguka hayamyaka. Mwomwo Ikiye ayoya, etu tuli vavatonyi, nawa. Kaha Ikiye ali wakuyoya, kutulingisa kupwa vakuyoya. Kaha Shipilitu ize yamusangwile Ikiye kufuma kuvafu, kutwama muli etu, nayiya nakuyoyesa mijimba yetu, ha Paseka yayinene. Upahu kuli Kalunga!

<sup>262</sup> Mamalelo, mbata kaye, mbata kala chuma ove unatondo, oloze nguhane Yesu. Amena. Ngwamuzanga Ikiye. Ikiye kaye kosena, kuli yami.

<sup>263</sup> Kaha mwomwo ove unapu chihanda cha Ikiye, Ngwapwa chihanda cha ove, kaha ove unapu chihanda cha yami. Kaha, hamwe, etu twapwa chihanda cha Ikiye.

<sup>264</sup> Mamalelo, Mukakulishitu, lisesa muka etu tuli nalyo! Etu tukwechi lisesa lya uze Mukakujila Paulu kanda lyehi alotele kupwa nacho. Etu tukwechi lusesa luzu Enoch, na Elija, na

vosena kanda lyehi vapwenga nalwo. Chize kuwaha etu tuli nacho jino!

<sup>265</sup> Kaha kuli mukoko wamundende kuze kumwe, kaha Ikiye keshi kuhasa kusuuluka palanga uze umwe kwiza mulimba. Ha kukafwa cha Kalunga, kaha ha chimweno, kaha MUKIKO MWANAMBE MWATA, Nguli nakukinduluka kusali ya kalungalwiji. Uze mukoko wamundende wamakumishilo nahase kupwa wilava umwe, mwomwo vosena Ngunatachikiza, kuze vakiko kaveshi numba kushinganyeka nge vakiko vakwechi mwono. Oloze Kalunga atachikiza mwakuhandunuka. Nguli nakuya nakutonda palanga likumbi lyamakumishilo lya chiyoyelo chami, kuwana nge umwe, kala kwosena chili.

<sup>266</sup> Ngunatalilila Kanda lyehi nguyengetese kala ndumbwami hakuhanjika vyuma kana nge omu vyapwa. Ngwa . . . Keshi nge Kangwazangile enu kuya kuliuka ko. Punduvane, Ngwatondo enu kuya kuliuka. Enu kuya kuliuka kwosena okwo muli nakuya. Oloze kanda kwecha chize kupwa lutalililo lwove, kuhanjika, “Chamwaza, Ngwapandama kuli *echi*, mokomoko Ngwapandama kuli *chize*.” Mamalelo, ndumbu walunga, ndumbu wapwevo, kupandama kuli Kulishitu. Yako kuliuka, oloze wapandama kuli Kulishitu. Amena.

<sup>267</sup> Echa chize—echa chize ngolo, kachi echi kacheshi muli enu, washi jino ku Kuyoya. Kaweshi kuhasa kutambula Echi jino?

<sup>268</sup> Ou kapete ali wakuzala na Echi. Nguli nakwivwa Echi chosena hali yami. Ngunatachikiza Echi chili hano, ngolo ja Kalunga, Mukakumona wamunene wa vimweno, uze wamunene Mukakutahisa uze nahase kwambulula vyuma navikahona kuhona, uze Umwe wamunene nahase kuhanjika kaha naumwe muthu nahase kuhanjika echi “nduma,” Muthu nahase kusokolola kaha naumwe muthu nahase kusoka. Uze wakufwa ali jino wakuyoya, na kuyoya, lelo, hano mu Phoenix, kutambuka mukachi ka jitemo ja kusemuka chachihya.

<sup>269</sup> Shikangaho, haze ha Paseka na chimene masoji alyume kuholoka nakupwa haze hamakili akala liya na shilone. Mwomwoika? Echi kutachikiza vachinehele nakuhita hamavu, kaha kumwe kuze temo ya Hayamyaka kutemwina. Nachiya nakumbata chihela likumbi limwe. Echi chakwoloka.

<sup>270</sup> Shikangaho, masoji akuwahilila nahase kuhita kumakili etu. Shikangaho, michima yetu yeji kuchikima na kunyikisa omwo etu tunahase kwivwa ngolo jojimwe ja kwalumuna kwiza mu kuyoya chetu na kutuzalisa, numba kwecha etu kuhanjika mulilimi lize lyafumine Mwilu.

<sup>271</sup> Etu tuli vakuyoyesa Kumeso Eyi kuze, kupolofweta, kumona, kwambulula vyakulutwe, kaha vyumavimwe kuveta mwakukupuka na Lizu. Kachi echi chili nakupolofweta chakulimbakala na Chize, kanda kufwelela echiko. Oloze

kachi echi chili na Lizu, Vanachihanjika lyehi, MUKIKO MWANAMBE MWATA.

272 “Kanda kwivwa womako. Yami Vene uze apwile wakufwa, kaha ayoya haya myaka.” Kaze kanapu katachikijilo ka Kalunga ka Paseka kaze tutachikijilo kala mukanda wa eli Lizu mumuchima wove. Katachikijilo chuma muka? “Enu munapu mikanda ya kusoneka, ya kutanga kuli vathu vosena.” Munatachikiza chize. Oloze omwo Kalunga nakusanyika ove, Ikiye akujikile na katachikijilo ka Paseka, nge ove asanguka na Kulishitu, kaha ove uli tengeso yayihya.

273 Kachi ove kaweshi vakujika chimene chino, linga ngocho shimbu etu twanongama mitwe yetu.

274 [Ndumbu umwe aputukile kuhanjika mu lilimi lyeka. Hatepu hapimbi—Muka.] . . . Mwata. Enu namwivwa ngocho?

275 Shinganyeka jino, na mitwe yenu yakunongama. Loma 8:11, “Kachi ngocho Shipilitu ize yasangwile Kulishitu kufuma kuvafu nakupwa muli enu, Echi nachiya nawa nakuyoyesa mijimba yenu.”

276 Chumamuka etu tunahase kutala kulutwe, vathu? Chuma muka chinasaleko? Tala ha Formosa na kaye kosena. Kaha ize mitelemba yajimbomu na kala vyosena kupwa vyakulizanga kuveta kaye, kaha kupwa nakuzuzwisa, na kuvwisa woma, na kutambakana. Kaha vaze vakavisela, kuze, kuhanjika kala usese, kupwa kaha nge kanyike walunga wamundende kuya nakuhita muchimbumbwe, kwimba muloji na ufuku, kweseka kulingisa vathu kufwelela nge vyuma vyosena vili vya kwoloka. Kanda navakamihungumwisako. Echi Kwiza cha Mwata chili hakamwihi.

277 Enu talisenu, likumbi likwavo, mukakuta ishi kwiza na kungulweka, kutwama kuze mu bay, chize, kupwa muyachi wa kwinyika chimwe chakufwakukuluka mokomoko chumachimwe cheka hano hamavu. Kaha omwo, chize, shimbu kanda uze mundenda kunyikisa muze mu Greece, vaishi vosena vaze kakavulu kulya hali luze lwola lwa chimene, vakiko kavahashile kulyako. Chumamuka chapwilenga? Vakiko kavapwilenga hakuyoyelako. Lwola lwamuchivali chasolokele, chumachimwe chasolokele. Ikiye atachikijile haze vene chumachimwe nachiya nakusoloka. Vaze ishi kapwile nakulya hali luze lwola ko.

278 Kaha vyoze vosena na vyuma vize vyeji kulyanga ishi, kwecha kuvalya. Chize chimenemene, muze mukiko vakiko valile. Vakiko kutwama kuze kungenge, kufumako muze mumwaji na vyuma. Mwomwo, muminyutu yayindende, vajiji vaputukile kutuka kufuma hamavu, kusali ya kalungalwiji. Talenu? Vaze va ishi atachikijile shimbu kanda chize chisoloke.

279 Kuya mu India, Ngwatangile lipapilo, ngwenyi, “Mundenda watela kuhita.” Mumakumbi aze, tujila vavandende kavahashile kwiza nakukinduluka mumaswavoko. Uze ngombe kahashile

kwimana nakujinguluka chize chisete mwishi...muze mumuvwule, muze mumusana wa likumbiko. Vaze mikoko kwimana mukachi ka wande, kukundamina hali umwe namukwavo. Vakiko kavahashile kuya mumalolwa, avali mokomoko atatu shimbu kanda mundenda wasolokele.

<sup>280</sup> Mwomwoika? Vakiko mikoko vatachikijile chize. Vakiko vatachikijile chumachimwe nachiya nakusoloka. Vaze tujila vatachikijile chumachimwe nachiya nakusoloka. Vaze makololo vatachikijile chumachimwe nachiya nakusoloka. Vaze va ishi atachikijile chumachimwe nachiya nakusoloka. Ali Kalunga youmwe uze avatwaminyine vaze tunyama muze muwato.

<sup>281</sup> Kaweshi nakumona, vathu vakuzala na Shipilitu, chumachimwe chili nakwiza nakusoloka? Kanda kutala havyuma vyavinene vyakwosena *chumachimwe* kuhita; chauchi shina Kwiza cha Mwata Yesu. Anuka, anuka kaha Mazu na lushiko lwa Mwata.

<sup>282</sup> Kaweshi kuhasa kwiza washi? Fumako kuli vakiko jimbango jajinene. Kusanguka chili hakamwihi jino. Kachi kuli muthuumwe hano uze nahono kutachikiza nge vakiko navaya nakwingila mukusanguka, kaha keshi wakukunyuka nge vakiko vakwechi ngolo ja kusanguka kunoka muli vakiko!

<sup>283</sup> Chipwe misangunya navenyeka chikova, chipwe mbomu ya atomic kutuvika mukachi kenu, kayechi kaya nakwenyeka ngolo jakuhizumwisa, ngolo ja kusanguka. Nduma, nduma. Ndumbu wapwevo, ndumbu walunga, lijina lyove lya mwaza lili mu Mukanda wa mwana Mukoko wa Kuyoya kuze. Naumwe muthu nahase kulijimako. Kakweshi chakujimisa chakutamo, muno mukaye, chihase kujima lijina kufuma mu Mukanda Kuze kuze Manyinga Eyi ananehe.

<sup>284</sup> Kachi ove kaweshi wakukunyuka hali chizeko, kanda—kanda kumbata lihanya hano jino. Talenu? Ove unahase kupwa na lihanya lyakulaha nakuhita mukleko kuze kaha nakupwa wakujijiwa, oloze ove kaweshi kuya nakuhita mu chisete. Nduma, nduma. Ove uli nakuya nakumbata echi. Ove kawatela kulinga ngachizeko. Kuli kumunyika chichila kumunyika jino. Kuhita, kutumbuka vishinganyeka vyove, mbatenu vyuma vya kaye.

<sup>285</sup> Twaya. Echa tupwenga vakusangukila hamwe mulwola lwa Paseka, echi kuwahilila chachinene cha Paseka. Munahase kuwahilila echi mumuchima wove mulungu uno? Kachi enu kamweshi kuhasako, unahase kuzundula livoko lyove kuli Kalunga?

<sup>286</sup> Kuhanjika, “Kalunga, Kangweshi wakukunyuka hali echiko. Ngunahono kutachikiza nge Nanguhasa kulinga kaha chize mokomoko nduma. Ove Muya nakungukafwa yami? Nguli nakuya nakuzundula livoko lyami kuli Ove, Mwata. Ngukafwe yami.” Kalunga akukisule. Kalunga akukisule. Echi chamwaza.

“Ngwa—Ngwa—Ngwakitonda Ove, Mwata. Ngukafwe yami. Ngwa—Ngwatondo—Ngwatondo kukatuka. Ngwa—Ngwatondo kupwa. Ngwatondo kupwa na ngolo hano vene. Ngwatondo kutachikiza echi kupwa chakwoloka. Ngwatondo kutachikiza nge echi chakwoloka, Mwata. Ngunatachikiza, kangweshi kuhasa kutunga-...” Enu kamwazangile kuluwanganyisako jino. Echi kacheshi kuya...echi chili nakuya nakutoka chikuma. Jino linapu likumbi. Yami! Jino linapu likumbi. Kanda kuvandaminako.

<sup>287</sup> Keshi kunyima chikumako, Ngwapwile nakunangula. Kuze kwapwilenga lunga wamulatu kwiza kunyima kuze muze muzuvo, aliwanyine nayami. Ngwenyi, ngwenyi, “Wamulemu, Ngwakitonda kukulweka ove. Ngwambile ngwami ove uli wakwoloka.” Ikiye ambile ngwenyi, “Ngunambulula kuli Mwata, kunyima chikuma, Ngwatondo lipapilo lyami muli voko lyami chimene chize. Ngwatondo kutachikiza nge echi chili chakusoneka.” Ngwenyi, “Kulinakuya nakupwa ukalu wauvulu kuze kukalwiji.” Ikiye ngwenyi, “Nguli—Nguli—Nguli nakwiza nakushikumuka, kuze kukalwiji.” Ikiye ambile ngwenyi, “Ngwa—Kangwazangile ukalu kuzeko. Ngwatondo kwolola echi hano.” Echi chakwoloka.

<sup>288</sup> Ukwechi kutambukila chove? Kachi ove kaweshi na kutambukila chove... Enu munahase kupwa na passport, oloze, kachi enu kamweshi na visa, enu kamweshi kuhasa kwingila mu Lifuchi. Enu munatachikiza echi. Ove ukwechi vyosena vya kulizanga? Kachi echi kacheshi, hano vene luno lukiko lwola lwakulinga echi.

<sup>289</sup> Kanda kwivwa womako, kachi ove unapu waundende. Jino, kuli pamo mavoko handulendi anazunduka helu. Shikaho kachi ove uli kaha na woma chindende, jino echa tutwame echi.

<sup>290</sup> Jino, Ngunatachikiza etu tuli na jijila jakuhandunuka. Malunga vamwe ngwavo, “Twaya kuno, echa yami ngunyikisa livoko lyove.” Mukwavo ngwenyi, “Twaya, fukama kukamenga.” Jino, vakiko vali kanawa. Kangweshi na lizu limwe lya kuhanjika hali echiko, numba mumwe, keshi chuma chimwe, kalachuma vakiko navaya nakuhanjika.

<sup>291</sup> Oloze echa ngumilweke jila yami. “Vavavulu vafwelele, vavavulu...” Kwiza kukamenga kaveshi kuhasa kufwelela oveko. Kulimeneka mumavoko na mukakuzata kacheshi kukulingisa ove kufwelela. Oloze kachi ove vakusanyika kuli Kalunga, kaha ove unapu kwaze, kukuputuka, kutambakana kaha kukulweka. Ove muya nakufwelela. Kachi ove unafwelela echi, Nguli nakuya nakulomba na ove.

<sup>292</sup> Munahase kushinganyeka nge ngonga wamundende kutwama muze muchipato cheka? Nduma, nduma. Huu-hu. Nduma. Kanda kutwama hano chekako, sepa. Echa—echa kuhukula jino. Lize likoji lya Kalunga lili hano kulinga echi.

293 Tata wa Mwilu, etu tunatachikiza nge etu tuli nakwiza nakushikumuka ku ola yakusoka. Etu katweshi kushimbula kupwa hano jino. Keshi nge chisemunuino chetu, oloze ha lwola. Etu twafwelela kuli vavavulu vakweze vanatwame hano, natuya nakuyoya omwo echi nachisoloka. Echi chinahase kusoloka lelo. Etu tunahono kutachikiza munyutu mokomoko ola. Oloze, Mwata, Ove watulwekele, “Omwo ove mumona vyuma kana kusoloka,” kaha vakiko vanapunga nakusoloka jino ha lwola lwalusuku.

294 Etu tunatachikiza etu tuli kwakusuku, kutesekesa na sayatisi. Sikisi, myaka seveni kunyima okwo, etu twapwile minyutu yitatu palanga mukachi kaufuku. Etu tunahono kutachikiza lwola muka luze, luli nakuhita, oloze etu tunatachikiza etu tuli vene kuze.

295 Ove Kalunga, kupwa na kukunyuka: kumona nge muchima wetu weji kwitavila kala lushiko lwa Kalunga na “amena,” kumona nge Shipilitu Ivene, uze ejile muli etu, kuyoyesa kupwa chetu.

296 Kalunga, echa vandumbwami kumona echi, chimene chino. Echa vandumbwami vamone echi, nge ize Shipilitu naiza na kuyoyesa ku Lizu. Echa vandumbwami vamaapwevo kumona chuma chochimwe, Mwata. Kaha jino, kachi vakiko navamona chumachimwe chize kacheshi kuhasa kuvechela vakiko kuyoyesa ku lize Lizu, Ove Kalunga, echa vakiko vafumise washi. Tuhanecho echi, Tata. Echi chili chosena mumavoko Ove jino. Ngunatachikiza Ngunahono muvyuma vyavivulu, kaha kuhona, oloze, Mwata, Ngunalingi vyosena Ngunatachikiza mwakulingila. Jino echi chili mumavoko Ove. Vakiko vanapu Vove. Mu Lijina lya Yesu, vatambula vakiko, Tata.

297 Jino kuli enu muli hano na kutonda kuka cha mujimba wove. Vangahi vakakufwelela vali hano? Zundula livoko lyove. “Ngwapwa mukakufwelela, nge omu Ngunatachikiza muchima wami.” Vangahi vaheta? Munatachikiza, kusali ya muvwimbimbi wakukakasana, chize mumuchima wove, hano vene, ove vanakusanguka kufuma kuvafu? Munatachikiza? Mamaah, yami! Chumamuka nachisoloka mukuliwana nge ngachize jino? Ngunatachikiza Ngunakotokela, oloze chuma muka nachisoloka hano vene? Shinganyeka chumamuka nachiya nakusoloka. Ngolo japwa jakwoloka muli enu. Talenu? Ove, na livoko lyove helu, ove unambate nge—nge kulishinga, kuli Kalunga, chize, “Ngunatachikiza nge chumachimwe chinasoloka kuli yami. Ngunahase kupwa wakwoloka kuze Ngwatela kupwa.”

298 Chipwe Yami. Nduma, mwane. Yami nguli kaha hahasuku kufuma haze Ngwatela kupwa. Oloze Ngunatachikiza echi chuma chimwe, Ngunahichi kufuma mukufwa na kuya

Kuyoya. Ngunatachikiza chumachimwe chasolokele kuli yami. Vavavulu. . .Keshi nge uze kashinakaji jino, oloze vavavulu, myaka yayivulu kunyima okwo, chasolokele.

<sup>299</sup> Kaha Ngunatachikiza lize likumbi, omwo Ngwatambukile muze muchipatela, omwo Ngwapwile na chakuhonesa chami *chachinene*, Ngwamwene pwevo lyami kufwa, yami kusanyika chiyoyelo chenye, “Kaha chuma muka Ngunalingi oloze kwimana mujila na kunangula, kaha kulombela vakakuviza?”

Kaha jino Satana ngwenyi, “Chamwaza, Ikiye keshi kuhasa kukumbulula kulomba choveko.”

<sup>300</sup> Ngwamumwene ikiye kufwa, oloze Ngunatachikiza nge mu ngolo ja kusanguka. Vize vifuwa navikakavangiza cheka.

<sup>301</sup> Ngwamwene kemba yami wamundende nasavala haze. Kaha Ngwahakile livoko lyami hali echi, kuhanjika, “Kalunga, kanda kumbata echiko.”

<sup>302</sup> Tala nge Ikiye kukoka lize lihina hamavu, ambile ngwenyi, “Kangweshi numba kumivwa chekako.”

<sup>303</sup> Satana ambile ngwenyi, “Mukiko chili. Kupwa kaha lizu limwe. . .” Ikiye atachikijile kanawa kuhambakana kungulweka yami kakwapwile Kalunga ko, mwomwo Ngwatachikijile chize. Oloze ikiye ambile ngwenyi Ikiye kanguzanga yamiko, Ikiye eji kunguzakaminanga yami. Talenu? Kala mulonga, ambile ngwenyi, “Ove unapu kaha mukweze, oloze twende yakusemuka. Puwove uze nasavala haze muzuvo yavafu. Kaha hano hakiko hali kemba ali nakuya kuze. Kaha—kaha kupwa kaha. . . Ove ngwove Ikiye apwile Mukakuka wamunene, kaha Ikiye ali mwosena *echi*. Kaha, tala, chuma muka Ikiye mwinga? Lizu limwe, Ikiye keshi numba kuhanjika echi, tala kaha kuze nakuhanjika. Note kaha mutwe Wenyi, mukiko kaha nachiya nakusoloka, kaha nachiya nakupwa wakuhinduka. Oloze, mwamono, Ikiye kakuzanga ove ko. Ikiye kakuzakamina ove. Echa kemba yove afwenga kuze jino, kaha kukana kwivwa kulomba chove muli yino ola.”

<sup>304</sup> Vyuma vyosena ikiye ahanjikile nge unapu vene muchano. “Shikaho chuma muka ove unalingi? Zata likumbi lyosena, palanga nomu nauhona kwimana. Kaha jino kutwama ufuku wosena, palanga twolufu na wani koloko. Kwimana mujila, kunangula. Kusanyika kuchipatela. Kwiza nakutwama hamavu, chitwamo, kutwama kuze na kusavala ola mokomoko vavali, kaha kukinduluka kumilimo cheka. Ufuku ukwavo, chuma chochimwe. Kaha hano ove uli, pamo twende wani, twende tu myaka yakusemuka. Kala sepa, kala mukweze wapwevo, kala mukweze walunga uze ove walikachile nenyi, akusanyikile kupwa wakuzaluka. Chumamuka ove unalingi? Ove walingishile kupwa chileya kufuma muli ove lyavene. Kamwamonako?” Ngwapwile pamo wakulizanga kwitavila na ikiye.

305 Kaha Chumachimwe kushikumuka muli yami, chize chapwilenga ngolo jakuyoyesa. Ngwambile ngwami “Ou Mwata ahanyine, kaha Mwata nambate cheka. Kukisula chipwenga ku Lijina Iya Mwata.”

Omu malutalililo osena nawakaseza jila,  
Kahajino Ikiye napu lutalililo lwami na  
kutwama.

Mwomwo hali Kulishitu, va . . .  
[Ha tepu hapimbi—Muka.] . . . usekulula  
wakujiminyina.

Mamalelo, Ikiye mwakaya nakwiza na  
chivwumino cha kuhasa,  
Jino echa Yami jino kupwa wakuwanyiswa  
muli—muli Ikiye,  
Wakujingilika mumahina Eyi akwoloka.

306 Keshi yami Iyaveneko; Kangweshi na chumako. Yami ali wamajilo, malambu amajilo. Ngwajinda kweseka kuya Mwilu kunangula chami. Ngwajinda kweseka kuya Mwilu ha vimweno vyami. Nguli nakuya Mwilu mwomwo Ngunakwate likoji Lyenyi mumuchima wami. Likoji Lyenyi, mukiko Nguli nakuya. Omu mukiko etu natuya.

307 Mamalelo, sepa, ove unapu chihanda cha ou Mujimba. Ove unapu vana vavandende va Kalunga. Jino, Ngulinakuhanjika echi nakutunga lutalililo lwove. Kachi enu namuwana . . .

308 Kachi Ngunawane uselewa na ove, kukulweka ove Muchano . . . Kaha chuma Ngunamilweke, chili—chili kapolofweto ngwenyi, cha myaka yinahichi. Keshi kulingisa amilyavene kupwa kapolofweto Kenyiko. Nduma, mwane. Oloze Nguli nakumulweka Muchano. Kutala Ikiye ahanjikile kalachuma oloze chuma muka chapwile chakwoloka? Ngunakutachikiza jino ha myaka twende chumachimwe, hano mu Phoenix, kufuma haze ha mwaso, *Ngunatondo Kuhanjika Echi Na Ikiye*, kuze kuliuka Iya Ndumbu walunga Outlaw, Ngwafwelela chapwilenga, kaha Ndumbu walunga Garcia. Kutala Ngwamilwezele enu kalachuma mu Lijina Iya Mwata oloze chuma muka chasolokele?

309 Anuka, kuli kaha lutalililo lumwe. Mbata ngolo jakuyoyesa. Nachiya nakukukwata. Omu vyuma vyosena kuhana jila, Nachiya nakukukwata.

310 Vamwe vavo ngwavo, “Ove walamanga kulifukula chove, Ndumbu walunga Branham?”

Ngwambile ngwami, “Nduma. Chize changukwachile yami.”

311 Echi cheji kulama yami. Kangweshi kulama echiko. Echi kacheshi nge Nangukwatako, mokomoko nduma. Echi chili chipwe Ikiye mwakwachilila, mokomoko nduma. Ikiye napu chuma mwangukwachila.

<sup>312</sup> Ikiye katelele kupwa na. Vangelo vatwamine kumutondo wosena, ambile ngwenyi, “Koka kaha minwe yove. Kwinyika kaha; ove kawatela kumbata echi kufuma kulusu. Kwinyika munwe wove, kaha tala chumamuka.” Talenu, lize lizavu lya vakakutoleka. Oloze kachi Ikiye alingile ngachize, Kangweshi kupwa na unjiho wa lelo; enu kamweshi kuhasa kupwa nachoko. Oloze mwomwo Ikiye atwamine kulusu, Ikiye akwachile kuze, ou ukiko mulonga Ngwakwachile Ikiye.

Hali Kulishitu, Lilolwa lya kukola,  
Ngunemana;  
Chihela chikwavo chili usekulula  
wakushikumuka.

<sup>313</sup> Jino, kachi ove uli nakuviza, ove muya nakuhaka mavoko ove hali umwe namukwavo. Echa tulombe. Haka mavoko enu hali muthuumwe. Chipwethuhu chumamuka chinahenge na ove, pwako nalufwelelo jino. Kachi Ngunamilweke Muchano, Nangumilweka jino. Talenu? Yesu ngwenyi, “Evi vinjikizo navikakavangiza vaze vakakufwelela.” Kaha enu munapu vakakufwelela, enu zundulenu mavoko enu. Kanda kukakasana ko. Kuze kuli vamwe vakuhutwa kuyanda vaze wahakile livoko lyove hali vakiko. Muthuumwe kuhaka mavoko hali vakiko.

<sup>314</sup> Anuka jize ngolo jakuyoyesa, jize ngolo jize jamusangwile Yesu kufuma muchimbumbwe. Jino enu muli nalufwelelo muli ovyo ukwechi mumujimba wove—wove ivene. Nachiya nakukafwa uze muthu uze enu mukwechi mavoko enu hali chize. “Kachi Echi nachitwama muli enu, Echi nachiya nawa nakuyoyesa mijimba yenu.”

<sup>315</sup> Ove Kalunga, nge omu Nangwimana hano chimene chino, hakamwihi na kuhona chimbwa cha lwola, omwo chili hali ino ola likumbi omwo Yesu alilile, “Kalunga Kami, Kalunga Kami, mwomwoika Ove unangusela Yami? Ngunevu pwila.” Shikangaho, uze kapolofweto amwene chize, kaha ambile ngwenyi, “Vifuwa Vyami vyosena, vakiko vyakachilile hali Yami. Vakiko vatuvile mumavoko Ami na mahinji Ami.” “Oloze Ikiye apwile wakulava na jishimbi javathu. Oloze Ikiye vamulemekele hakuzombojoka chetu jishimbi. Ikiye apwile wakulemeke ha upapwoke wetu. Kuzangamisa chakutunehela kuunda chapwile hali Ikiye, kaha ha mikiki Yenyi etu twahinduka.” Etu twavulukile chize, chimene chino, Kalunga. Etu tweji kuvulukanga chize.

<sup>316</sup> Mu chimene cha kusanguka, tachikizenu, echi kwinjikiza Muchano nge Ngunambulula, Mwata, kufuma mu Lizu Lyove, Kumeso a Kalunga. Ikiye napu Mukakusopesa, kaha etu tunapu vinjiho nge Ikiye natusokola. Kaha muli etu, ha likoji lya Kalunga, kusanguka ngolo. Kaha masepa jetu vali nakuviza, umwe uze mavoko anahake hali.

317 Ove Kalunga, etu tunahonesa liyavolo, mukachi ka lufwelelo chimene chino, na mavoko anahake hali vathu, kaha yami na mavoko ami hali vathu. Echa kala musongo, kala kuyanda chosena chize mweseka kukwata vathu, kumeso a Muchano wa kwinjikiza, lovoka. Mu Lijina Iya Yesu Kulishitu, echa ava vathu vapwenga vakukasunuka lelo. Nge, eyi Mbimbiliya, awa Mazu a Kalunga ketu ambile ngwenyi, “Kachi vakiko navakahaka mavoko hali vakakuviza, vakiko navakaya nakuyoya.” Kaha mavoko etu anazunduka mupeho, kuli Ove, Kalunga.

318 Nge kala mutondo wa mavu kunwa mu kaselwoke Kove, kaha nge omu mutondo, uze unasokewa, kunwa kufuma mukaselwoke Wove, waputuka kutunga. Waputukile kukula. Chize chikota cha tiliku, ize temo, kalachuma chili kunwa mu Kaselwoke Kove, kukula kutwala kuli Ove.

319 Kaha chimene chino, etu kukula, ichi, Mwata. Etu tunahase kuheta helu. Etu tuli nakunwa mu kaselwoke Wove. Etu twapwa tengeso Yove, na ngolo jakusanguka mukachi ketu, Mwata. Kaha etu twalombo nge Ove muya nakwivwa kulomba chetu hali vandumbwetu vamaunga na vamaewevo. Kaha echa kala kuyanda chosena, chize chili chakuhonesa ava vathu vamwaza hano vase nakuheta eji ngolo, Mwata, vakasunune, shikaho vakiko vanahase kuzachila Kalunga. Kaha nachikasoloka kupwa kanawa, Mwata. Mu Lijina Iya Yesu Kulishitu. Amena.

320 Ove wamufwelela Ikiye? Seza chuma nge ngachize? Nauya ngachilihi nakuchilinga echi? Ove watela kupwa, kusoloka nge, kukoka ove lyavene. Ove uli nakwivwa mujila kana? Nguli—Nguli—Nguli. . . Echi chinahase kupwa yami, nge Nguli. . . Oloze Ngwapwile nakwivwa, kwivwa kaha chaungeji omwo Ngwejile mukachi kavathu, kuze enu namutwama hamwe nge ngachize. Ngunatachikiza, kumwe, kumona hano; kupwa kaha nge chisaji, chisaji chamivwimbimbi, kala chuma chili, kuhita muli uno kapete; Kulishitu ali muli uno kapete. Shinganyeka kaha, Mukakusokola! Tony, Ikiye ali hano. Amena.

321 Kaha hiya nahase kupwa wakuwahilila kuhambakana vathu kuheta, na chinjikizo cha Mbimbiliya cha Lizu lyosena Iya Kalunga kusoloka, kumona numba Vangelo na Kupwa Chenyi, nge omu vakiko vali kuhichila mu—mu visemunuino! Kaha hano, aze Mazu avakakumona, vahanjikile kaha chasolokele kupwa mukikovene. Kaha hano etu tuli eva wa Kwiza Chenyi. Mamalelo, lwola kana omu lwawaha!

322 Etu natuya nakumona Ikiye. Likumbi limwe hamakumbi awa, Ikiye mwaya nakupwa hano. Palanga nomu Ikiye mwakeza, enu namuya nakungulombelela? [Chikungulwilo ngwacho, “Amena.”—Muka.] Ngukwechi ponde yayinene kumeso ami. Ngunatachikiza echi. Talenu? Kaha Kuliwana na vakakuzeneka kutachikiza kalunga hiya mwaya kwasa, chochimwe nge kumbata kunwa meya, kaha enu vanamifwete. Ove twaya

hamavu avo, maliyavolo vaze navaya nakukuhonesa ove ha Mbimbiliya, kupwa chachashi. Oloze Kanda lyehi ngumone lwola oloze chuma Kalunga ketu kuhasa. Nanguya mu Lijina Lyenyi, mu Lijina Iya Mwata Yesu Kulishitu, litalililo Iwa Hayamyaka, kusanguka na Kuyoya. “Wosena ayoya na kufwelela Yami, chipwe mwafwa oloze mwakayoya. Kaha wosena nayoyo na kufwelela muli Yami keshi kuka kafwako.” Ngwafwelela nge kupwa Lizu Iya Kalunga Iya Hayamyaka. Enu mwafwelela mwomumwe? [“Amena.”] Unahase kungulombelela yami? [“Amena.”] Nanguya nakumulombelela. Echa Kalunga atale hali etu palanga natukaliwana cheka.

323 Jino echa twimanenu hamahinji etu, tando yayindende. (Ngukwechi chuma chimwe ove unatondo kuhanjika?)

Echa tunongamenu mitwe yetu.

324 Echi kacheshi kuhasa kupwa chakwolokako hali etu keshi kwimba ou mwaso waundende, keshi ngochoko? Anuka mwaso wetu, *Ngwamuzanga Ikiye*, chize chili mumuchima wosena? Echa twimbenu. Ndumbu wapwevo, wamwaza, ove muya... Ngwatondo kuhanjika, Ngwasakwilila kuhema chove, nawa, ndumbu wapwevo. Chosena chakwoloka.

Ngwamuzanga Ikiye, Ngwamuzanga Ikiye  
Mwomwo Ikiye avangilile kunguzanga yami  
Kaha alanjile ulwilo wami  
Ha mutondo wa Kavali.

Jino etu natuya nakwalumuna mwaso.

Lufwelelo lwami lwatale kuli Ove,  
Ove Mukoko wa Kukavali,  
Mulwilo wa Ukalunga;  
Jino ngwivwulile yami shimbu na Ngulomba,  
Mamalelo, mbata kupaya chami chosena,  
Mamalelo, echa yami kufuma likumbi lyalelo  
Kupwa kaha Wove!

325 Echi kachalingile chuma chimwe kuli oveko? Vangahi vazanga ou muchima wamwenemwene...Ngwa—Ngwa—Ngwazanga myaso ya kusokoka. Pundu, Nangulinga. Oloze omwo ove uli mu shipilitu ya kulifukula, kaweshi kuzanga uze mwaso wamwaka? Ngwafwelela uze Shipilitu Wajila atambukile hali Eddie Perronet na vakiko vaze vasonekele ize myaso yamwaka. Enu kamwafwelela ngachizeko? Fanny Crosby, omwu ikiye asonekele:

Ivwulila kuli yami, yami, Ove Mulwilo,  
Iwa kulila chami;  
Shimbu veka vali nakusanyika Ove,  
Kanda unguhita yami ko.

Ove yove Kaselwoke wa kusuwuluka chami,  
Chinahambakana kuyoya kuli yami,

Hiya Nguli nenyi hano hamavu kusali Yaove?  
Mokomoko hiya Mwilu kuvanga Ove?

326 Echi kacheshi chamwazako? Echi chikiko cheji kutulingisa etu kutonda kwimba *Ngwamuzanga Ikiye*, keshi ngochoko? Jino, shimbu tuli nakwimba lwola luno, *Ngwamuzanga Ikiye*, echa. . . .  
Etu twazanga umwe namukwavo. Kachi etu katwazanga umwe namukwavoko, jino etu katweshi kumuzanga Ikiyeko. Jino echa tulimeneke umwe namukwavo mulivoko. Kwimana kaha, na kuheta kusali ya mesa kumwe, kulimeneka mumavoko, umwe namukwavo.

Ngwa . . . (...?...)
   
Kaha alanjile ulwilo wami
   
Ha mutondo wa Kavali.

Echa tunongamenu mitwe yetu jino.

327 Kuya na kuhula Ndumbu walunga Williams, mukweze walunga Williams, kwiza hano chindende kaha. Nguli nakuya nakumuhula ikiye kachi ikiye mwaya nakumwanga eli lizavu mukulomba.

328 Ngwazanga Ndumbu walunga Williams, mukweze Mukakulishitu, uze Ngwashingtonyeka kupwa vene ngamba ya Kulishitu, chisaka chenye chachindende. Ngukwechi kulikata chachivulu na evi. Kaha vaze vanyike vamaunga vamwaza va Moseley na vosena, etu tunapunga hamwe, kaha vavavulu masepa jami vamwaza hano mu Phoenix, nge Ngwazanga na muchima wami wosena. Ngwashingtonyeka, chimene chize mu chimweno, Ikiye ambile ngwenyi, “Vyosena vize ove wazangile, kaha vyosena kukuzanga ove, Kalunga nakuhane ove.”

329 Kufwelela muthuume hano ali nakwalumuka kushili javo, kushikumuka hamavu, mukweze wapwevo wakalemesa kulila.

Echa etu tunongamenu mitwe yetu chindende hali ikiye.

330 Kalunga Wamwaza, uze mukoko wamundende uze ayile ku Phoenix? Ngunahono kutachikiza, Kalunga. Munatachikiza. Oloze, likumbi limwe, naliya nakupwa. Oloze, Tata, echi, kukakasana chauchi, chili chimwe. Shikaho Ngwalombo nge Ove muya nakumukafwa, hano vene. Sokolola chikolo, kuhanjika, “Twaya, mwanami Wami. Twaya kuno kufuma mujila ya kuzeya, mujila yakuzeya. Enu munapunga nakutalyangila kuze muze mumilima. Ngwejile nakulovoka, lelo, nakumimbata enu. Napu Shipilitu Yami ize yeji kuhanjikanga kuli enu kaha kuneha enu nakwingila mulimba jino.” Tuhane echi, Kalunga. Echa ou mukweze wapwevo. . . .haze vene ha kulusu ya kuyoya hano. “Wosena mwewwa Lizu Lyami, na kufwelela hali Ikiye uze angutumine Yami, ali na Kuyoya cha hayamyaka.” Tuhane echi, Kalunga wamwaza, kuli ou mukweze Mukakulishitu. “Ikiye uze mwaya nakwiza kuli Yami, Kangweshi kuhasa kukamuhangako.” Shimbu vakakujila vanemana hali mukweze wapwevo, kulomba.

<sup>331</sup> Anuka, chipwe Paulu, uze apwilenga wakwasa malolwa chikuma palanga ikiye apwile nakufwa, kaha omwo vakakujila vemanyine na kulomba, kuyoya chejile cheka. Mwomwo, muze mijimba yavaze vakakujila yapwile ngolo jakuyoyesa ize yanehele shipilitu ya kuyoya kunyima kuli Mukakujila Paulu. Kalunga, echi chinahase vene kulomba, cha kufwa kufuma . . . mokomoko kufwa kufuma muli muthu, ha kulomba cha lufwelelo, ku kuyoya. Tuhanecho echi, Kalunga wamwaza.

<sup>332</sup> Tukisule jino shimbu tuli nakuvandamina hali Ove. Mu Lijina Iya Yesu Kulishitu, etu twalombo.

<sup>333</sup> Jino na mitwe yenu yakunongama, Nguli nakuya nakulomba Ndumbu walunga Williams. 

65-0410 Katachikijilo Ka Paseka  
Ramada Inn  
Phoenix, Arizona U.S.A.

LUVALE

©2026 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembu kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)